


永興縣志

20270.10/

39

1-10





光緒癸未重修

永

興

縣

志

安陵書院藏板



重修永興縣志叙



顏師古曰志記也積記其事也江淹云修史莫難於志誠以政事得失風俗盛衰之所繫者大而修之為

永興縣志

卷之首

呂亨

任祀小故也永興舊志邑令劉君統重修於嘉慶戊寅之歲劉君介休名進士擅掌故諳體例故其志簡核詳明信而有徵古稱



三十年為世今閱兩世又  
六稔矣咸靈初髮逆窺楚  
狼肆柳桂間邑遭蹂躪者  
再四地紀重鎮無一旅軍  
其諸禮義干城耨鋤禦敵

之為功當不少也邇來安居  
樂業負耒橫經又皆沐亂定  
後二十餘年之休養生息夫  
明武備者仗義敵愾為最也  
興文教者耆儒碩學為尚也



若而忠孝若而節烈嘉言懿行潛德幽光是必有足志者歲庚辰鳳藻亭板東守土大府舉修通志劉郡縣呈稿有日矣邑苟

令如俞如汪如周如齊先後畀邑人士以採訪纂修之位積日累月得新志若干首餘志仍別志之舊鳳藻不文靡所知後竊惟事



者後事之師善志者述  
而不作也賢也良官師  
儀型也孝貞孝孝庶民  
則倣也孝文孝藝孝科  
名士林程式也文不必類

頑古人而善例不舛紀載  
不誣其亦足信今而傳後  
者歟至於建置星野城社  
及志之聲修於前以舊敘  
編之詳矣固又每有闕劣



者之或贅一辭也

光緒九年歲在癸未春三月穀雨日知永興縣事仁

和呂鳳藻題





跋

邑志者國史之餘一統志所取裁也其體昉於禹貢而周禮外史掌四方之志詩述十五國之風皆此意也漢唐以來作者眾矣類祖述乎司馬遷地理志於是郡各有紀邑各有乘由來尚矣永興建稱於宋以迄於元初無志可攷自明正德八年邑人李鶴峰先生始創修焉天啓六年曾蘭若先生又續修焉至我

朝則有若李公橘孩王公慎齋諸賢牧先後修輯而邑人廖紫巖先生兩經其手此呂志序所謂

永興縣志

卷之首

跋

舊志四編皆鄉先生操筆也呂公名伊蔚中州名宿來蒞茲工毅然以修志爲已任併心竭力從王志上溯李志又上溯天啓正德二志略者詳之缺者補之刪其繁蕪訂其舛謬志於是卓然大備後閱一紀海昌沈公從而續之不過補其所未及匪云修也蓋去古猶未遠耳至嘉慶戊寅歲前四志皆已殘缺惟呂沈二志尙存邑侯劉公筠坪旁搜博採廣思益集以備一邑文獻之徵視昔加詳矣然距今甲子又越一周有奇加以兵燹之後版籍旣不可問遺文多燼狼



煙而六十餘年之事蹟日異而歲不同其間天  
時之變易人事之因革制度之廢興與夫文德  
之顯晦武功之赫濯宦蹟之升沈官守之政治  
以孝義著者幾何人以忠節顯者幾何族戶口  
之增耗者何時賦役之更定者何制烏可無以  
志之但自經亂以來艱於籌辦有志未遂近以  
湖南續修通志檄催郡邑呈稿有日數年前邑  
紳耆採有墨稿未梓我侯呂公履任念此舉之  
不可再後也界邑人士以董厥事逐類搜求事  
取其真言擇其雅凡閱歲而稿脫體例仍照劉

志增續其後而間參以郡志以求合乎省志與  
一統志惟是拘於見聞不無遺漏而謄錄手民  
之謬誤亦復不免尙俟博雅君子匡所不逮云  
光緒癸未大呂月吉邑舉人揀選知縣李獻君  
寶欽氏撰



明志舊序

羈邑之志猶國之史也國者羈邑之積也故有史以會天下之全郡邑者國之分也故有志以紀一方之實周禮天官之屬設外史掌四方之志其來尙矣厥後漢司馬遷作地理志隋虞世基修十郡志宋樂史作太平寰宇志皆是物也我朝遇修大典必遣史採摭四方事實以備纂述恆於志焉取徵關係不尤大且要哉永興自元以前志不可攷後亦未聞有曾作者其畧附見於郴志郴志修於國初正統丁卯再修於州守袁公均哲紀載未甚備况距今甲子又越一

永興縣志

明志

周矣山川道里雖猶故也而戶口之登耗民風之純澆賦役之省繁物產之盈縮與夫吏治之得失人才之盛衰生長其地有故老已不能悉者而况四方之遠異世之下乎余感於斯竊念後之視今猶今之視昔也自昔無紀憾已後遺失今不圖責將誰諉且年愈遠事愈湮詎不終爲一大欠事耶衷恆弗置而恆以冗奪正德壬申之冬毅然欲償厥志用是蒐輯殘編咨諏老長凡涉永興者各以類附訂其所已收增其所未載務求散逸攢羅幽眇張皇以備一邑之文獻校讐之餘手自謄寫再閱月而稿始脫爲卷凡若



千用藏巾笥嗟乎九州雖廣讀禹貢書而可知外夷  
雖遐觀異域志而可見茲志獲就則永興故實如前  
所云山川戶口風俗人物等類一披卷舉在目中矣  
後有立言君子作焉因畧致詳推舊爲新又不亦有  
徵也乎第愧學寡識庸未窺作者之門戶疏謬之失  
則何能免吾黨之士或憫予用志之勤相與補正而  
潤飾之俾成全書以信今傳後庸非大幸歟書此以  
俟正德八年歲在昭陽作噩月極陽旦李永敷書於  
秋林書屋

按此序稱元以前不可攷後亦未聞有曾作者  
曾當讀層非姓言未曾有創志之人也後云訂

### 永興縣志

明志

其所已收蓋指柳志而言或解有曾作者爲號  
碧潭之曾全作於前解訂所已收爲全所已收  
不惟文義不協就其甲子一周附見柳志二語  
計之年歲亦大不相同且此序又明言自昔無  
紀於會全小傳又指其志未梓行而不言已之  
取裁若干則此志無與於會較然也後廖序誤  
合爲一不  
無可議

### 國朝舊志序

余性好搜覽嗜山水每聞勝槩輒不憚險遠有  
推拓心胷窮究源流之興辛丑之歲筮仕領永  
邑蓋極楚之南徼也距余鄉不下數千里山川  
土物槩不之悉尋東裝就道逶迤遷折閱兩月  
餘始抵永甫入境見其山川秀麗人物瑰瑋雅



與余志合余亦目不給賞暨蒞治復覺風多樸  
茂俗尙勤謹皆先民之遺所接士大夫淹雅不  
羣綽有鄒魯之風焉受事匝月凡迎送往來與  
夫催撫遊憩得遍歷諸鄉而一方風景遂盡入  
余懷抱中矣雖無名山大川之勝饒有奇峰幽  
澗之觀因語紫巖公曰地靈人傑盍志其勝乎  
紫巖公曰唯唯爰退取古本蒐輯成編削其繁  
蕪補其缺畧諸所載星野形勝風物畜產以及  
賢能特行藝文詩記瞭如指掌觀者覽其大畧  
而邑之勝槩具見於斯矣集成屬余修訂兼具

永興縣志

舊序

弁言余思夫志也者志也方志是事而已欲善  
之以有所取義作者之志也大史公所謂有能  
紹明世繼春秋本詩書禮樂之際意在斯乎紫  
巖輯其全余撮其要共勦厥成方授梓人會紫  
巖公奉

命擢吳興司理馳車正迫工未竣已戒行矣諸如誌  
記詳核捐俸劖劘是余之責也夫余不敏用志  
其事弁一言於首後有覽勝者亦將有感於斯  
文時康熙癸卯應鐘月旣望知永興縣事清溪  
李允禧橘孩序



又序

吾永志自李鶴峰曾碧潭兩先生作之於前山  
川人物詳悉畢盡嗣後板籍殘缺卷帙散佚曾  
蘭若先生起而修輯之而永志一新余甫髫齡  
得觀其盛計今且三十餘年矣運際鼎革兵燹  
蹂躪風火頻仍板籍已不可問卷帙亦無有存  
予惄然憂之以爲山川可紀而先代之人文恐  
不得而盡悉也間從友人拾其遺本中復散佚  
會清溪橘翁李父臺蒞茲土博學鴻才雅慕山  
水勝概與予徧覽江山輒欲共訂厥集予思一

永興縣志

舊序

四

代之興必有一代之史永雖彈丸能踞一方之  
勝矧當

鼎運方興風景人物煥然一變烏可無以志之爰取  
舊編考訂本諸先達所著畧爲修飾凡詩記文  
詞概不敢削惟當代所未備者咸增補之遂成  
余集而鶴峰碧潭以及蘭若三先生之手澤弗  
泯乃相與竝傳是集中矣輯成於癸卯之冬尋  
挽橘翁潤色點染以增一邑光橘翁不吝筆削  
卽欣然捐俸而付之梓夫橘翁莅永甫朞月琴  
韻風清家敦古處治蹟不可枚述卽此修志一



端已足聲施不朽吾永紀勝得賢令而益彰功  
顧可忽乎哉是爲敘昔康熙癸卯應鐘月吉邑  
人廖應石紫巖氏謹序

又跋

邑之有志所以紀形勝表風尚揚嘉懿之芳聲  
著科名之美績以備採擇昭示來茲也永志自  
吾祖鶴峰公作於前曾蘭若先生踵修於後歷  
歲綿遠卷帙散佚幾不可考吾社廖紫巖慨然  
以修志爲己任而力艱於梓值吾師李橘孩先  
生蒞茲土先生淹貫古史長詩賦雅愛山水奇

永興縣志

舊跋

五

觀遍遊天下所過名勝之區無不見諸著作矧  
茲邑屬其宰割尤朝夕熟悉者及獲紫巖本輒  
不憚修飾以益當代所未備遂捐俸付梓而吾  
永之山川人物復煥然可稽後之視今亦猶今  
之視昔風景日遷人文代接凡志所已訂者不  
可沒其未著者有所俟是所望繼起者勿忘橘  
孩先生之功與永志並傳可也昔康熙癸卯冬  
至邑貢生李大翥謹跋

按此跋所稱祖鶴峯者乃修正德志之李永敷  
其蘭若先生則修天啟志之曾紹芳也若號碧  
潭之曾全則並未敘及而前篇廖序又謂鶴峯  
碧潭兩先生作之於前二文殊似矛盾考全與



承敷同鄉舉全登成化丁未進士後九年承敷方登弘治丙辰進士及全沒承敷爲作志銘後於正德十五年庚辰承敷創刻邑志仍於全名下署云嘗修便志惜未梓行卒年五十六著有尋樂集稿藏於家集稿藏而志稿不藏其散失無存可知也且考正德志卷首但標爲邑人李承敷編纂並未列全姓名其癸酉序文亦並未有碧潭共事之義以彼同年同里墓草當未宿之際若果目覩遺文裁取一二入新編必無獨以爲名之理以此知全志失傳李跋較爲有據耳

### 又序

今天下大一統矣武功克奏文治聿興我

皇上特命儒臣編輯一統志誠經國之大業不朽之盛事也典不敏承乏永興於今三年矣憶履任

### 永興縣志

舊序

六

未及十旬當

王師進勦滇黔奉調赴貴州軍前督運糗糧間關數千里備歷艱險十月黔方旣平事乃竣兩奉護篆郴陽先後約有年所泣茲土者雖曰三載以實計之纔周星耳軍餉孔亟日夕催徵不遑他及風塵俗吏之誚自知難免癸亥秋奉文行取邑志嗟哉永遭兵燹城郭悉成邱墟室廬惟餘瓦礫陵谷變遷土物陵替人民流亡殊不堪道矧茲版章又曷可問哉雖然志者上下數千百年得失之林考鑒之藉也顧邑而無志舉凡



山川形勝星野躔次官師等秩錢穀兵農禮樂  
政教風俗物產以及人才之盛衰制度之興廢  
忠孝節義之風徽寓賢仙釋之遺蹟種種規模  
何以稽焉江文通有謂史之難無出於志詎敢  
輕率視之耶爰是尋討舊章咨諏文獻廣搜博  
採條分縷析新舊參舉繁者節之闕者補之不  
以私廢公不以疑飾信綱目各因乎類序次悉  
合乎體詳略一裁乎義庶幾循端竟委覩指識  
歸俾覽者撫疆域而知守禦之方察戶口而知  
矜恤之道挽回民風者奚若振興士習者奚若

永興縣志

舊序

七

官方吏治之清濁則法其可法而誠其宜誠紀  
綱法度之損益則因所可因而革所當革志之  
攸關不綦重且要哉孔子曰吾猶及史之闕文  
也又曰斯民也三代之所以直道而行也然則  
志同於史宜闕文也宜直道也典不敢徒尙虛  
聲務敦崇直道仰答

聖天子文明之盛治斯可已若夫蘭臺石室之資惟  
待後之博雅君子更進而修明之以補所不逮  
云爾康熙二十三年歲次甲子清和月穀旦文  
林郎知永興縣事仁和王典題於官署之春風



堂

又序

皇上御極之二十三年以車書一統化洽同文

命肇修天下通志禮臣奉行中外徵取直省志書以備纂輯惟楚介在南服值逆藩弄兵出師征討三湘紀載半燼狼煙匪惟永志獨殘已也於戲鴻文肇啟決待宗工是殆欲發壁塚之藏而藉潤色之光乎我侯慎齋王父母覲文獻之殘缺悼章程之散失抗懷修復引爲己責曰是余之任也夫爰檄遐邇博採遺編隻字偶存球琳等

永興縣志

舊序

八

價於是舊志一書搜求復出侯撫卷嘆曰有是哉邑乘之簡而不文也往事于何考實山川于何生色風俗人物于何壯觀耶迺發八斗之蘊抽繹二酉之秘刪削蕪蔓增補闕失而侯之文章經濟燦然簡策綽乎有涑水遺製哀集旣竣屬余而弁其端余觀夫次第周詳彬彬乎質有其文深喜邑乘之有傳書矣竊記廿載前邑侯李公橘孩留心縣志以編次見命余甫操觚旬日卽有茗上之役王程不宿閣筆以行致滋草草掛漏爲多今耄矣不獲載筆從事幸得附



而弁焉豈非慰乃厚望哉然余棲遲衡宇知侯最深其光簡策而示將來者非僅文焉已也是必覽封域而感鋒鏑之摧殘思營建而切勞勩之辛苦勵秩官以廉隅飭風土以敦厚清賦役于既做崇祀典于無荒育英才而選舉日蕃隆黨塾而人文蔚起藝文彪炳方外雲從則卷帙之紀實繁我侯之實政也已以是陳諸

當此自將以我侯爲天下牧伯式豈僅爲一邑風俗之良書已哉是爲序康熙二十三年歲次甲子孟夏穀旦己亥科進士文林郎山東青州府臨

永興縣志

舊序

九

胸縣知縣前浙江湖州府推官邑人廖應召撰又序

宣古之愚民也平生不自愛重嘗併心力以卒一業於公事任勞任怨或更思其智之所不及強其力之所不能出位謀政往往貽笑於明達見憐於執友而硜硜之志終如石之不可轉知皆由於不好學之故氣質之偏老而未化今修志其一端矣邑之志宰實司之而永舊志四編皆鄉先生操筆守土者因人成事均得挂名簡首宣獨引爲己責與諸君子晰疑定議無一字



一義不經心經眼此其愚一計舊志修於康熙甲子今六十餘年歷二十令不過問舊板悉朽蠹毀棄至不可究詰而宣獨搜求殘編於不絕一線之會事倍而功半此其愚二在後人修志只取現在本增續其後而宣獨從王志湖李志又上溯天啟正德二志凡四志中所有人物名義文章盡表揭而折衷之必欲其無漏無複此其愚三舊志凡十綱宣既改訂其一又增二焉目凡五十有六宣仍其三十四刪併二十二又增五十二敝精勞神殊近於玩物喪志此其愚

永興縣志

舊序

十一

四凡續志者依類而增於原文存而不論其事頗易宣又斤斤逐逐訂其名義次第額式十約六七採補甲子以前人文事跡亦約十之一二何勞人之不憚煩此其愚五計此編創始於可卯季夏入冬脫稿至戊辰二月受代有人可以弛其責而宣猶攜之枕笥日夕推敲考校至發刊時又改訂者有之上板後又補刊者有之此其愚六宣自去永到江今周一歲不以此稿煩新尹而刊於江署與江之學先生紳士重加考晰如文廟兩廡小注及星野九圖取正於學博



周以三者居多自既不惜越俎而又轉干人代謀此其愚七是編刻資頗夥邑紳士捐輸不敷宣力任之不辭至江華力不能繼更典貸竣事初邑人士憐予迂介欲民間糾資供事繼而請益以緇流宣均力卻之又力禁之以故里下方外不得入一錢而私橐乃至羞澁不恤也此其愚八志館之開憑邑人士所薦舉者悉延入故人沈桐君實總其事而又俯視一切多否少可宣爲之調停其間乃得與輿情無拂公道不減如十景仍付繪事人物必取在官案憑四禮方

永興縣志

舊序

十二

言祀典各卷從俗從宜從禮從制俱幾經權衡於微茫之間然後敢裁定一義此其愚九一事而九愚備焉乃益自信爲愚民也沈桐君未及竣事旋相別歸寶山臨歧贈以言曰邑志乃國史之餘一統志取裁於此凡立言當倣入告體序文勿沿用大字抑又古今得失之林也邑宰所取法取戒者在此邑人所取法取戒者亦在此進退抑揚之間不可不慎至若民社之籍上關朝廷化澤下儲閭閻樂利中備官僚職守一言一事之誣獲戾匪細宣旣已奉教矣比來所



釐定潤色者終鮮愜意筆而又不肯以半塗廢  
豈非愚之至者顧此事亦義所可爲至於時殊  
地異則不必爲更不必果於爲而宣卒爲之此  
眞宣之過也宣之過宣之愚也因秩就畧述梗  
概以自期少戒於後云乾隆十四年孟春十九  
日河南呂宣曾伊蔚甫自序於江華縣署之九  
思樓

又跋

君子之爲治也治一時易治世世難一時之治  
才具勢權刑名法術皆足以圖之至治及於世

永興縣志

舊跋

十三

世則非德本中庸以垂爲典則不足考不謬俟  
不惑焉夫典則之垂莫大於史而史之法莫詳  
於志志雖各紀其方域而其間輿圖星象制度  
禮樂風土人物纖悉畢具於以鑒盛衰考得失  
移風化悉準乎此其爲用豈小補哉永志自有  
明始作於正德李鶴山繼修於天啟曾少參後  
越數十年而際鼎革我

朝大定天下車書一統康熙二年李公橘孩二十三  
年王公慎齋先後修輯自分凡起例總綱析目  
以及紀載予奪或畧而未詳或疏而未密大抵



兵燹之後版籍遺文多燼狼煙或未及見前志  
隨所傳聞彙而成帙觀者不無大醜小疵之惜  
况至今六十餘年未行續修豈惟往蹟呈漏漸  
且殘篇泯滅舊板朽蠹誠我永一陷事也茲伊  
蔚呂侯以中州名宿著作世傳學本性天業規  
久大臨蒞以來查永志久未修輯前後故實人  
物將有文獻無徵之患而尙未暇及也蓋始則  
整其大綱挽其敝俗振其文教越三四年無廢  
不舉政通人和於是亟訪前志徧爲蒐求自李  
王二志外並得先明正德天啟兩志雖蠹微之

永興縣志

舊跋

十三

餘不獲全璧而參稽互考證據猶多又復準之  
會典採諸州志備參各郡邑諸乘費竭苦心相  
方域查土宜審利病核其風土人物與其興衰  
聞見就加筆削畧者詳之疏者密之汰其繁蕪  
訂其缺譌字斟句酌不爲假借附和亦不爲立  
意更張紀載訪諸司馬綱目例諸紫陽出其心  
裁手訂務期有當於風俗人心久安長治而後  
卽安此固不圖治一時而欲以治世世者也  
不才沐浴教澤已非一年集方成承命參校乃  
得見所未見聞所未聞而幸我永之土地人民



得斯編而可爲世則焉則斯編也匪徒以備  
輶軒之采卽以爲車書一統佐治有道於萬年也可  
因不揣蠡測并窺輒喜而爲之跋邑選拔黃立  
幹

又序

嘗謂志之爲書取法乎史而其旨最繁大而天  
文地輿細及方言物產皆包舉靡遺而其間政  
事文章嘉言懿行之屬閱時而疊出俾攷鏡者  
得所憑聞風者知所感方策相傳與治道實有  
裨焉邑雖山陬方百里間亦何獨不然安陵郴

永興縣志

舊序

十四

首邑也當楚粵之衝爲北鄙藩籬郴實賴之余  
於庚辰秋由戶曹膺

命出牧郴陽維時令方護州篆捧符首進謁條對永  
事甚悉余後因公事至省會道必由城邑舟輿  
所經凡風土人情親歷而數觀者較他邑尤詳  
熟永無公寓余往來常憩於安陵書院庭宇宏  
敞而乏恒產稽往籍生徒無幾不數年間益穀  
數百斛肄業者倍之三之矣由書院望隔溪爲  
鷄公巖上有

勅建之佑國寺歲奉明禋而垣棟久圯余走馬來南



時令方鳩工修復未竟嗣又輪焉與焉矣卽所見一二端推之舉凡世之自無而有由廢而興者且不知凡幾况當

聖治光昌德流寰宇其間孳孳講求崇猷偉績旣日異而歲不同而草澤幽閨沐浴雍熙爭趨於善者當亦珥筆所莫殫雖自呂志告成以來僅十有三年然及今爲之亦可免所見異辭所聞異辭之惑夫表盛治發幽潛以維風而佐理宰之職也余嘗與令言之令唯唯謝不敏避修之名而托於續借判案理鉛槧五閱月竣事來就正

永興縣志

舊序

十五

於余余歷覽篇中凡舊志逐條約其繁侈而正其舛駁補其遺缺新入者咸綴附於後不事華飾亦庶幾實錄矣嘗觀操觚家廣徵名宿一心志曠歲月而觀成今乃以公餘率邑之二三衿耆手定茲編何其速歟而梨棗之屬隨各門尾頁增訂或幅中尋行數墨以益代哀是以費不繁而功易訖亦經畫之得宜也余遇宰最先知永最悉卽所見聞書於卷首時乾隆二十七年歲次壬午蒲月上浣

誥授奉直大夫知湖南直隸郴州事加五級紀錄十



次王洸序

又序

志朝廷書也治道首重激揚筆削足維風化今日之志將以備他日之國史有弗明有弗備弗可言志也所貴五年一續十年一修蓋人材輩出時事遞更遲之久則傳信傳疑適滋紕繆永興邑志自前令呂宣會續編以來又十有三年  
欽惟

聖天子至治日新

各上憲公忠溥化政典弊章煥乎昭爍既非舊志

永興縣志

舊序

十六

可該卽邑之人涵濡厚澤自士大夫遠里之氓隸婦女若在唐虞時其有孝子貞婦懿行鴻文以及時事之因革變遷靡不有需於補葺者與其年溼世遠始用搜羅曷若徵信見聞近稽月旦及今而論定之夫通經者作史明史者作志基則何敢憶昔從事京華校書

武英殿得從諸前輩後商推編訂逮膺

簡命出宰安陵數年來鞅掌風塵寧復有一知半解足供簪筆哉今幸都人士採輯網羅廣思益集以輔所弗逮應更者稍易之未備者採補之當



續者增輯之凡更正續補各什之一簿書之側  
悉力丹鉛五閱月乃訖以就第呂志視王志及  
正德各志雖較爲明備而猶不能無議焉恭逢  
大平世祚

聖聖相承遇

特恩蠲免尤曠典也雖在遐陬異壤猶拜手賡揚思  
筆而傳前志失載是其滲漏之一端也志之爲  
書發凡起例綱舉則目張每拈一則必比類以  
從前志末卷繫綱以見聞而寺觀一日幾成贅  
旒卷終復附補遺一卷亦於體裁未協又如便

永興縣志

舊序

十七

江之名引据近於穿鑿至今聚訟紛紛邑人著  
有便江攷頗極詳明精核現經續採入志特前  
志舊按一段未及節去如斯類者悉賴更正今  
惟於補遺一卷已各依次改歸本志餘祇仍其  
舊目而增益之以是役也一切工費皆出自基  
所規畫絕不告助於人懼滋擾也故爲費無幾  
不能悉舉是書而更張焉其先後紀載猶或有  
闕失也者有舛錯也者有濫溢也者有訛謬而  
不確也者凡所取裁舉以俟後之君子時乾隆  
二十七年壬午清和月旣望永興縣知縣紀錄



三次海昌沈維基序

又跋

永興縣志自乾隆己巳歲續修閱十餘年矣丁丑冬邑侯沈來莅任覽其書覺有弗備弗確者卽擬續纂俾光大典顧遲之至辛巳冬仲乃始其事以工費浩繁弗敢輕舉也先邑薦紳耆庶偕請於侯願照往例每都以一二人爲首事按里捐貲用勸此舉侯不然謂因公滋擾弗可爲也今未半年而事集工成凡局中薪水及工匠之費皆侯爲之擘畫邑人未嘗輸一文也侯之

永興縣志

舊跋

十八

體恤吾士民如此侯來治永凡五年於茲育士愛民風清弊革廢無弗舉利無弗興武健之徒畏其神明狐鼠之技不敢復逞其振興書院則設立膏火田畝生童分內外舍肄業以示鼓勵蓋侯之降福於吾邑者至深且沃邑人敬鐫德政歌及德愛碑舉可爲後之牧民者法歲庚辰兼署州篆六城戴德萬姓謳思去之日州士庶懸額於堂曰一輪冰鏡並臚其惠政勒石於轅繼復彙一時之碑記詩歌梓甘棠留愛集誌弗忘焉茲續修縣志紳士請將前集及碑記詳載



以爲邑乘光侯固卻弗許惟閭閻潛德閨闈遺  
徽務博諮詳紀雖山僻窮氓迄無一漏而干名  
沽譽者不得濫廁凡所棄取矢公矢慎芟其蕪  
理其莠補其缺筆削惟嚴未嘗假手於人視前  
志殆益詳且備矣侯固浙西名士嘗膺

簡命編次

丙庭今莅吾邑俾縣志獲釐正於燕許之筆誠盛事  
哉德等章句鄙儒侯不謂愚命之採輯校對雖  
寡當於侯意而因材器使不又足徵我侯德量  
之汪洋乎乾隆二十七年壬午仲夏月望日邑

永興縣志

舊跋

十九

庠生楚大德曹世恕戴國材曹學等謹跋

又序

嘗思人得所聞莫若得所見而欲徵其實要莫  
如志之一書由近而遠由今而後能使人人得  
所聞且不啻使人人得諸所見也夫兩間靈淑  
所鍾觸目昭著况日增而盛者更有難以悉數  
之端始不任其就湮繼尤賴有補輯否則人往  
風微遺文散佚雖有父老傳聞將信又將疑之  
殆非不欲得其一二也究將何所取信哉永興  
爲郴州首邑地處衝劇雄聯衡麓秀接瀟湘自



古以名勝稱方今

重熙累洽永際

昇平凡抒猷奏績戶誦家絃以及草澤幽閨立名  
砥行者靡不仰戴涵濡力趨於善乙亥春余始  
蒞茲土就所見以驗所聞益喜今所見較勝於  
昔所聞也公餘閱邑志經呂沈兩前輩纂定以  
來固已綱舉目張第歲月遷延將周甲子其閒  
可傳之事可稱之人愈積愈多皆足增光梨棗  
每一籌及何可無踵事者續修之茲幸邑人士  
克興斯舉矜者倡率採訪搜羅應增者增之應

永興縣志

舊序

二十一

續者續之近繁冗者間予節取近疑似者別爲  
考訂余亦相與詳慎參稽適值省志重修新頒  
格式其卷帙悉仿照編訂凡閱歲而書成極知  
不無漏遺舛錯之處惟於善舉從同者獎之羨  
之若將來隨時增續訂譌正誤又爲博雅君子  
厚望焉嘉慶二十三年戊寅嘉平之吉知永興  
縣事加三級紀錄四次劉統序

又跋

安陵之有志也閱二百餘年矣繼之者亦從而  
錄其舊輯其新斯已耳何事取前人之規模而



一更之哉然非敢更也勢使然也蓋自李鶴峯創修後板凡四易其條目已互有同異一時自有一時之識解一時自有一時之體例也歲丙子湖南續修省志頒志式於各邑於採訪外公舉一二人以爲總核邑人士謬以港及馬生步當其選謂港年七十凡五十餘年事蹟皆親所睹聞馬生年方壯檢閱不辭勞以告之劉筠坪父臺父臺曰可固辭之不能釋因於丁丑冬照式將舊志及新所廉得者上而象緯下而輿地大而沿革小而營建顯而勲業文章微而節

永興縣志

舊跋

一五

烈孝義以至邑中所有之一鄉一村一人一事一名一物有關於民生風化者各以類附繁蕪者刪之缺畧者補之失次者敘之有所闡揚而非徇人之私請也有所辨論而非騁己之臆斷也纂之編之使繕書者繕之閱數月稿成凡成一二卷必呈之劉父臺父臺不憚指示稿每上必一一誨正然後付梓港老矣馬生名未顯生平雖有所作未嘗出而問世而顧勉而爲此者則以應劉侯之命諸紳耆之舉也其所更者皆從省志新式以歸畫一也若云媲美鶴峯諸前



輩則有待於後之續修者嘉慶二十三年戊寅  
嘉平之吉邑歲貢候選訓導露園曹流湛謹跋

永興縣志

舊跋

二十五



永興縣志目錄

第一冊卷首

序跋

原序

原跋

目錄

姓氏

凡例

宸翰

第二冊卷一至卷七

星野

圖考

建置沿革

疆域

附街市坊鄉

形勢

附十景

山川

戶口

第三冊卷八至卷十五

永興縣志

卷之首

目錄

田賦

水利

城池

關隘

津梁

古蹟

附坊表

公署

附考棚倉厥塘房行署

學校

附書院義學

第四冊卷十六至卷十七

祀典

祠廟

第五冊卷十八至卷三十五

風俗

兵制

屯田

邊防

無

驛傳

舖遞

苗裔

武功

屯練

無

寺觀

鹽法

茶法

無



錢法

木政無

權政無

礦廠無

蠲政附平糶恤政

職官

第六冊卷三十六至卷三十八

選舉

封廕附議敘應例

政績

第七冊卷三十九

人物

第八冊卷四十

列女

第九冊卷四十一至卷四十九之一

隱逸

流寓

仙釋

永興縣志

卷之首

目錄

二

方技

古帝王無

故宮無

龍墓

潛竊無

藝文

第十冊卷四十九之二至五十五

藝文

典籍

金石無

物產

祥異

雜識

外紀

目錄終



原修姓氏

明正德八年庚辰

查是修八年癸酉輯稿十五年庚辰  
梓成舊刻八年庚辰似誤留待校參

主修知縣

周佩

纂修兵部郎中

李永敷

協修舉人

張澈

天啓六年丙寅

主修知縣

陳鳴郊

纂修東川叅議

曾紹芳

國朝康熙二年癸卯

主修知縣

李允禧

永興縣志

卷之首

姓氏名目

纂修進士

廖應召

康熙二十三年甲子

纂修知縣

王典

乾隆十三年戊辰

纂修知縣

呂宣曾

協修拔貢

黃立幹

分修

廩生

曹富勳

增生

李俊譽

增生

楚以道



廩生

李聯芳

庠生

張應龍

貢生

鄧林芷

拔貢

黃虛

廩生

易成龍

歲貢

楚以中

乾隆二十七年壬午

纂修知縣

沈維基

分修

廩生

曹學

永興縣志

卷之首

姓氏名目

二

歲貢

戴國材

庠生

楚大德

廩生

曹世恕

廩生

蕭開元

歲貢

劉道純

增生

蕭以佳

嘉慶二十三年戊寅

纂修知縣

劉統

協修

歲貢

曹流湛



拔貢

馬步青

光緒九年癸未重修姓氏

主修

永興縣知縣仁和呂鳳藻

鑑定

永興縣儒學教諭善龔德鈞

永興縣儒學訓導清泉賀廷欽

纂修

舉人揀選知縣李獻君

督刻

永興縣志

卷之首

姓氏名目

三

永興縣典史漢州盧汝湘

理局兼校對

金陵鄉

附生李桂林

孝廉方正李澤時

附生劉學基

長慶鄉

廩生許世駿

廩貢生試用訓導曹際虞

優附生彭澤



永興鄉

歲貢生

陳聯雁

增生

曹子清

延道鄉

附生

廖化南

附生

廖為藩

採訪

增貢訓導李宴林

增生

王煥廷

拔貢生 劉紹徙

廩生

劉俊

恩貢生 梁濟川

附生

何道淇

永興縣志

卷之首

姓氏名目

四

附貢生 劉藜光

廩生

鄧寅亮

附生 陳子才

附生

鄧樹枏

廩生 曹文炳

增生

李曉初

附生 戴文柱

附生

周薦元

廩生 李炳樞

廩生

曹樹棠

附生 許提辰

廩生

曹日藩

附生 曹秉均

附生

譚仕魁

歲貢生 李凌漢

附生

李桃

附生 曹文霽

附生

李振鐸

恩貢生 陳南杞

廩生

曹允元



歲貢生 馬用楨 廩生 陳光遠

附生 李之炳 增生 李紹白

廩保訓導李逢春 附生 謝明作

廩生 廖鍾英 附生 蕭遠馨

附生 曾釗 廩生 何見龍

協理

州同 鄭廷善 例貢 王綬萬

附生 劉厚德 附生 劉紹傳

附生 劉丙南 監生 鄧學均

附生 黃廷彥 監生 戴文貴

永興縣志 卷之五 姓氏名目 五

附生 李海藻 監生 黃在中

監生 王成道 監生 曹貞試

附生 曹真誠 歲貢生 朱錦標

附生 李煥然 附生 許炳煌

附生 曹盛鴻 廩生 郭觀濤

廩生 曹世熙 附生 李元榜

附生 何海晏 例貢 王養中

州同 馬克端 增生 馬用梅

附生 陳世昌 附生 李綬青

武生 李之祥 縣丞李繼昌例貢劉仁言



監生 陳聯沅 監生 李廷楨

歲貢生 曾紀詩 監生 曹維祺

監生 廖金聲 例貢 李邦材

監生 朱光金 同知銜 黃龍躍

繕書

童生 李山崙 童生 許紹魯

童生 許清坦

繪圖

歲貢生 曾紀詩 丹青 彭祥雲

永興縣志

卷之首

姓氏名目

六



凡例

一邑志始於明正德庚辰邑人即中李永敷創修

天啟丙寅邑人恭議曾紹芳

國朝康熙癸卯邑令李九禧甲午邑令王典先修

續修乾隆丁卯邑令呂宣會多所考訂壬午邑

令沈維基復因舊版增續其實一本呂志嘉慶

戊寅邑令劉純續修始稱大備舊志經兵燹之

後板已殘缺惟藏書可稽有所考証均曰舊志

其纂修協修姓氏仍列卷首亦不念前人美善

之意

永興縣志

卷之首

凡例

一志書綱目清晰分別註明各為一條名目較楚

其為本邑所無者若屯練邊防茶法木政權政

礦廠等類亦存其目以成款式

一邑志既屬紳耆採訪有所登載必歸闔邑論定

其有公議未孚者概不敢登以矢大公無私之

意故人物等類皆屬公舉不註舉者姓名

一星野舊志考証甚明既經詳稽確據未敢臆為

錄載悉照舊志刊刻無從更易

一建置沿革舊志考據精詳紀載分明無從更易

悉照舊志刊刻



一疆域形勢山川戶口田賦水利城池關隘津梁及古蹟公署學校等類舊志已刻者照舊刊刻其未刻宜增者均增刻於舊志每條末後

一祀典舊志未詳祭器樂器今從州志採入照圖刊刻以爲多識之助

一蓋棺論定志內人物若名臣理學忠烈孝友文苑處士義行等類惟已往者方準採入其現存者概不敢登

一政績於職官姓名之下附刻小註若慈惠剛明之類一節之善亦必註明以昭善善從長之意

擇其卓著者另列入政績一條

一職官選舉封廕各爲一條分別註明其議叙應例已經出仕及捐職銜者附封廕志後

一人物內名臣宦業治術之資理學處士性功之驗思烈孝友風化所關文苑取其品學兼優義行取其名實相副節婦必註明某年夫故卒年若干現年若干年例已合方準採入賢母附入列女後尤能盡茲前人每豔稱之故亦因類採取不殺閨閣之善

一錄隱逸以勵獨行錄流寓以仰古賢以及祥異



方技雜識外紀亦必逐類刊刻無容疎漏

一藝文舊志列宸翰於藝文之首今更宸翰另爲

一篇以昭尊重舊志已刻藝文照舊刊刻不敢

有所刪除新增則惟修文廟序修書院序修張

爺廟序修考棚序修濂溪祠序以外遊玩山水

之作及無關緊要者概屏不錄

一武功必載明何年何匪統帶兵勇何人剿殺若

干擒獲若干以昭鼓勵捍災禦侮之義

一是志暗索默記之處舛誤在所不免以俟後有

作者淵深博雅從而訂正之



永興縣志卷之首

宸翰

御製祭鷄公山文

康熙二十二年

朕惟

天鑒無私恆助順而討逆神威有赫每佑國以除殘禮  
洽懷柔典隆秩祀既誕彰夫靈異宜昭報以明禋  
惟神棲靈秀嶺斂福寰區普濟羣生功如響而斯  
應默襄景運蹟在隱而彌彰往者小醜鴟張六師  
霆擊惟孤城之控扼當狂寇之咽喉方肆陸梁洎  
加矢石忽焉替亂虛觀軍容既褫魄以亡魂遂倒

永興縣志

卷之首

宸翰

二

戈而棄甲幽助天誅載揚我武粵修虔祭用答鴻  
庥神其丕顯禎符鞏皇猷於無替載歆苾祀翊景  
命而長新特遣耑官惟神鑒格

勅建佑國寺碑文

康熙二十二年

朕惟書垂成秩之文傳著有功之祀載在典冊炳  
燦古今若乃懋贊國威用成者定特顯神奇之蹟  
聿彰撻伐之勲俾小醜褫魂六師奏凱洵為助順  
允矣銘功惟神夙膺顯號宏濟區中響應無方聰  
明遐照昔者逆氛不靖天討用申方堅城扼險之  
時正蟻賊抗行之日神實憤茲巨憝壯我軍容忽



顯神兵布彼巖谷煙雲成陣恍聞陳師鞠旅之聲  
草木皆兵如瞻建旆設旄之狀蠢焉狂寇罔不寒  
心雖螳臂之空張旋狼奔而盡殪遂鋤逆命邁告  
蕩平眷言克敵之成功端賴明祇之默佑欲申昭  
報宜有旌揚是用勒諸貞珉以表神貺於戲福善  
禍淫

上帝之鑒觀不爽醜勲報祀國家惟彝憲是循神其益  
布明威永昌景運不亦休歟

御製平定朔漠告成大學碑

康熙四十三年

惟

永興縣志

卷之首

宸翰

二二

天盡所覆海內外日月所出入之區悉以昇予一人自  
踐祚迄今早夜殫思休養生息冀增熙皞以克副  
維皇大德好生之意庶幾疆域無事得以偃兵息民迺

厄魯特噶爾旦險阻北陲因此一方人既荼毒塞  
外輒狡焉肆其克逆犯我邊鄙虐我臣服人用弗  
寧夫蕩寇所以息民攘外所以安內邊寇不除則  
吾民不安此神人所共憤天討所必加豈憚一人  
之勞弗貽天下之逸於是斷自朕心躬臨朔漠欲  
使悔而革心故每許以不殺彼怙終不悛我師三  
出絕塞朕皆親御以臨行深入不毛屢涉寒暑勞



苦艱難與偏裨士卒共之迫彼狂投首脅從歸誠  
荒外君長來享闕下西北萬里灌燧銷鋒中外又  
謚惟朕不得已用兵以安民既告厥成事乃蠲釋  
青災潔事禋望爲億兆祈昇平之福而廷臣請紀  
功大學垂示來茲朕勞心於邦本常欲以文德化  
成天下顧茲武畧廷臣僉謂所以建威消萌宜昭  
斯績於有永也朕不復辭攷之禮王制有曰天子  
將出征受成於學出征執有罪反釋奠於學以訊  
馘告而泮宮之詩亦曰矯矯虎臣在泮獻馘又禮  
王師大獻則奏凱樂大司樂掌其事則是古者文

永興縣志

卷之首

宸翰

三

事武事爲一折衝之用具在樽俎之間故受成獻  
馘一歸於學此文武之盛制也朕嚮意於三代故  
斯舉也出則告於神祇歸而遣祀闕里茲允廷臣  
之請猶禮先師以告克之遺意而於六經之指爲  
相符合也爰取思樂泮水之義爲詩以銘之以見  
取亂侮亡之師在朕有不得已而用之之實或者  
不戾於古帝王伐罪安民之意云爾銘曰

巍巍先聖萬世之師敬信愛人治平所基煌煌聖  
言文武道一禮樂征伐自天子出朕臨域中逾茲  
三紀嘗見羹牆寤寐永矢下念民瘼上承



帝謂四海無外盡隸侯尉維彼克醜瀆亂典常既梗聲  
教遂窺我疆譬之於農患在螟螣秉畀不施將害  
稼穡度彼游魂險遠是怙震以德威可往而取朕  
志先定龜筮其依屬車萬乘建以龍旂祝融駉鸞  
風伯戒途宜暘而暘利我樵蘇大野水涸川瀆効  
靈泉忽自湧其甘如醴設爲掎角一出其西一出  
其東中自將之絕域無人獸羣受掩五日窮追彼  
狂走險大殲於路波血其孥剪其黨孽俘彼卒徒  
眾烏晝號單馬宵遁恐久駐師重爲民困愼固戍  
守還轅於京自夏徂冬雨雪其零載馳載驅我行

永興縣志

卷之首

宸翰

四

至再蠢茲窮寇昏惑不悔我邊我氓以休以助爰  
寧其居爰復其賦藩藩老稚斯恬斯嬉歲晏來歸  
春與之期春風飄颻揚我旆旆我今于邁如涉我  
郊言秣我馬復居胥山登高以眺閔彼彈丸

天

降克罰孤雛就羈三駕三捷封狼輿尸旣獵梟獍旣

獮豺貙大漠西北解甲棄戈振旅凱入澤沛郊卜  
明煙肆赦用迓景福昔我往矣在泮飲酒陳師鞠  
旅誓屈窮醜今我來思在泮獻功有赫頌聲文軌  
來同采芹采藻頌聲東魯車攻馬同亦鐫石鼓師  
在安民非出得已古人有作昭示此旨緬惟虞廷



誕敷文德聖如先師戰慎必克惟兵宜戢惟德乃綏億斯萬年視此銘詞

御製平定青海告成大學碑

雍正三年

我國家受

天眷命撫臨八極日月所照罔不臣順遐邇乂安兆人蒙福乃有羅卜藏丹津者其先世固始汗自國初稽首歸命當時使臣建議畀以駐牧之地其居雜番羌密近甘涼我

皇考聖祖仁皇帝睿慮深遠每厯於懷既

親御六師平定朔漠威靈所加青海部落札什巴圖兒

永興縣志

卷之首

宸翰

五

等震讐承命

聖祖仁皇帝因沛殊恩封爲親王兄弟八人咸賜爵祿羈縻包容示以寬大而狼心梟性不可以德義化三十年來包藏異志朕紹登寶位優之錫賚榮其封號尙冀革心輯寧部眾而羅卜藏丹津昏謬狂悖同黨吹拉克諾木齊阿爾布坦溫布藏巴札布等實爲元惡謂國家方宏浩蕩之恩不設嚴密之備誕敢首造逆謀迫脅番羌侵犯邊城反狀彰露用不可釋於天誅遂命川陝總督大保公年羹堯爲撫遠大將軍聲罪致討以雍正元年十月師始



出塞自冬涉春屢破其眾凡同叛之部落戈鋌所指應時摧敗招降數十萬眾又降其貝勒貝子公台吉等二十餘人朕猶憫其蠢愚若悔禍思愆束手來歸尙可全宥而怙惡不悛負險抗違乃決剪滅之計以方畧密付大將軍羹堯調度軍謀簡稽將士用四川提督岳鍾琪爲奮威將軍於仲春初旬禡牙徂征分道深入搗其窟穴電掃風驅搜剔巖阻賊徒蒼黃糜潰窮蹙失據羅卜藏丹津之母及逆謀渠魁悉就俘執擒獲賊眾累萬牲畜軍械不可數計賊首逃遁我師踰險窮追獲其緇重人

永興縣志

卷之首

辰翰

六

口殆盡羅卜藏丹津子身易服竄匿荒山殘喘待斃自二月八日至二十有二日僅旬有五軍士無久役之勞內地無轉輸之費克奏膚功永清西徼三月之朔奏凱旋旅饒鼓喧轟士眾訢喜四月十有二日以倡逆之吹拉克諾木齊等三人獻俘廟社受俘之日臣民稱慶伏念

聖祖仁皇帝威靈震於遐方福慶流於奕葉用克張皇六師殄滅狂賊行間將士亦由感激

湛恩厚澤爲朕踴躍用命斯役也芟夷凶悖綏靖番羌俾烽燧永息中外人民胥享安阜實成



先志以懋有不績廷臣上言稽古典禮出征而受成於學所以定兵謀也獻馘而釋奠於學所以告凱捷也宜刊諸珉石揭諸大學用昭示於無極遂爲之銘曰

天有雷霆聖作弧矢輔仁而行威遠寧邇維此青海種類實繁錫之茅土列在藩垣被我寵光位崇祿富負其阻遐禍心潛構恭惟

聖祖慮遠智周睠念荒服綏撫懷柔朔野旣清西陲攸震爵號洊加示之恩信如何克狡造謀逆天鼓動昏愍寇侵於邊惟彼有罪自干天罰桓桓虎貔爰

永興縣志

卷之首

宸翰

七

張九伐王師卽路冬雪初零日耀組練雷響鞞鉦蠢茲不順敢逆戎旅奮張螳臂以當齊斧止如山嶽疾如雨風我戰則克賊壘其空彼昏終迷曾不悔戾當翦而滅斯焉決計厲兵簡將往擣其巢踰歷嶽嶇垣若坳郊賊棄其家我繫而獲牛馬谷量器杖山積蹇兔失窟何所逋逃枯魚遊釜假息煎熬師以順動神明所福旬日凱歸不疾而速殪彼逆謀懸首藁街獻俘成禮金鼓調諧西域所瞻此爲雄特天討旣申羣酋惕息橐戈偃革告成辟離聲教遐暨萬國來同惟我



聖祖親平大漠魏功煥文邁桓軼酌流光悠久視此銘  
詞繼志述事念茲在茲

御製平定金川告成大學文

乾隆十四年

天畀我皇清握乾符俯坤軸函括萬邦悉主悉臣

五后繼承創守佑啟亦惟是二三蓋臣布德宣力予曰  
有先后予曰有禦侮用造我不丕丕基罔有蘖芽罔  
不煦嫗長養游於大當粵有金川莎羅奔者居西  
蜀桃關以外界縹斯甲小金川之間向會從征得  
受符檄與諸土司齒顧恃其險遠夜郎自大構覺  
隣番各土司申訴封疆吏吏曰蔓之不圖豈其視

永興縣志

卷之首

宸翰

八

爲甌脫乃請兵籌餉期掃其穴而司其事者或卻  
縮以老師或獯狡以蓄志軍無適從事用弗集予  
心憫然念遠徼之不寧或致增防置戍重勞吾民  
大學士忠勇公傅恆義同休戚毅然請肩斯任乃  
命以經畧印益厚集諸路軍芻粟相繼閭閻不驚  
卜吉於戊辰十一月之三日禡牙以指所征朕親  
御武帳賜經畧酒以行人氣和昶陽氣宣復都人  
士聽睹聳躍罔不怵喜謂露布之旦暮至也乃歷  
燕晉驅秦隴越劍關絕川江陵桃關之巖經天射  
之峻又日討軍實而教訓拊循之均其渴飲饑食



同其曉行夜眠至於密贊機務親草奏章則又經  
畧獨勤其勞而諸武臣有所不知有弗能共者恩  
威既明士用益勵度番落如戶庭過部伍於衽席  
奸酋投首軍聲大振復以巨礮擊其礪堅礪以摧  
將俟諸軍之集搗其中堅而番首駸瞿駭喙稽首  
請降經畧臣以彼罪重惡極窮而乞生久或渝且  
僭焉慮不允所請朕惟

天地之德在好生彼蟻潰而鼠駭者毋寧赦而宥之且  
求降而盡殲之不可謂武矧不足以污我斧也於  
是經畧宣朕明旨登壇受降己巳二月之望日金

永興縣志

卷之首

宸翰

九

川平定捷音至京是役也采入數千里奏凱未七  
旬而振旅之師多有返自中途未究其用者昔之  
成功巴蜀如建武之定公孫江陵之降李勢皆在  
版圖之內無足比數廷臣舉

皇祖朔漠

皇考青海成例請勒碑成均以示來許夫秉丹誠而運  
籌決勝永靖荒徼者經畧大學士之力也商可否  
於帷幄衝石矢於行陣者參贊大臣及諸將士力  
也朕何有焉惟是體

乾元之德凜佳兵之戒保大定功安民和眾庶幾可以



垂則乎乃系之以詞曰

維

天生人類聚羣分凡茲林林孰非我民有羈而縻有誨而諄豈伊異視遠近殊倫守在四夷稽古名言無已用之遇義於仁蠢彼金夷恃其險阻蠶食豨張謂莫我拒不靖不庭侵茲隣聚駭奔叫呶以干大咎匪棘匪紆獫狁之故我張我伐獫狁之故我師既集賊亦相持匪敢相持懼誅自支兩易寒暑救功稍稍賊益以狂怒臂當車罪臣既誅以徇我師朕咨於恆汝往視之朕咨於恆惟汝同德惟

永興縣志

卷之首

宸翰

十

我庶士亦久於役將茲棋兵羽林神策其勇熊羆其心金石何敵不摧何攻弗克濟以汝忠奏捷頃刻恆拜稽首臣敢弗覆既禡既宜師出於京師出於京時惟一陽未逾五旬乃壓其疆前旌獵獵有節煌煌羣番迎驚謂自天降惟彼攸恃曰良爾吉以偵以謀如鬼如蜮其恃爰誅其類股慄紀律是明戎車是詰巨礮攻礪其守以失惟是懼誅潛弗敢出其潛弗出乃旦夕延將齊我軍披其中堅大鞞大膊期月之前彼乃窮蹙乞降悚虔惟命是從六事永遵除道巢壇肉袒羊牽赳赳鍾琪乃度



之愬聿抵賊巢開誠以諭攜其二酋軍門親赴悔  
罪歸誠車塵馬足順斯撫之昭我王度昔也雷霆  
今也雨露七縱諸葛單騎汾陽曰我相臣於前有  
光晉爵錫服黼黻龍章速歸黃閣左右贊襄休養  
生息惠鮮蜀邦我武旣揚無疆惟慶

御製平定準噶爾告成大學碑文

乾隆二十年

遼矣山戎薰粥旃裘毳幕之人界以龍沙畜其驪  
奚雖無恆業厥有分部蓋自元黃剖判萬物芸生  
東夷西夷各依其地謬舉淳維未爲理據皇古莫  
紀其見之書史者自周宣大原之伐秦政巨海之

永興縣志

卷之首

宸翰

十一

築莫不畏其侵軼猶夏是虞自時厥後一二奮發  
之君慨然思挫其鋒而納之宥然事不中機材不  
副用加以地遠無定處故嘗勞眾費材十損一得  
搢紳之儒守和親介冑之士言征伐征伐則民力  
竭和親則國威喪於是有守在四夷羈縻不絕地  
不可耕民不可臣之言興矣然此以論漢唐宋明  
之中夏而非謂我皇清之中夏也皇清荷

天

之龍興東海撫華區有元之裔久屬版章歲朝貢從  
征狩執役惟謹準噶爾厄魯特者本有元之臣僕  
叛出據西海終明世爲邊患至噶爾丹而稍強吞



噬鄰蕃闌入北塞我

皇祖三臨朔漠用大破其師元惡伏冥誅脅從遠遯跡  
毋俾遺種於我塔爾塔厥姪策妄阿拉布坦收其  
遺孽僅保伊犁故嘗索俘取地無敢不共逮夫部  
落滋聚乃以計襲哈密入西藏準夷之勢於是而  
復張

兩朝命將問罪雖屢獲捷而庚戌之役逆子噶爾丹策  
楞能用其父舊人乘我師怠掠畜於巴里坤擣營  
於和卜多於是而準夷之勢大張然地既險遠主  
客異焉此勞往而無利彼亦如之故額爾德尼招

永興縣志

卷之首

宸翰

十三

之敗彼亦以彼貪利而深入也

皇考謂我武既揚不可以既允其請和以息我眾予小  
子敬奉

先志無越思焉既而噶爾丹策楞死子策妄多爾濟那  
木札爾暴殘喇嘛達爾濟篡集之達瓦齊又篡集  
喇嘛達爾濟而酗酒虐下尤甚焉癸酉冬都爾伯  
特台吉策楞等率數萬人來歸越明年秋輝特台  
吉阿睦爾撒納和碩特台吉班珠爾又率數萬人  
來歸朕謂來者不可以不撫而撫之莫若因其地  
其俗而善循之且毋令滋方來之患於我塔爾塔



也於是議進兩路之師問彼罪魁安我新附凡運  
餉籌馱長行利戰之事悉備議之始熟經於庚戌  
之艱者咸懼蹈轍惟大學士忠勇公傳恆見與朕  
同而新附諸台吉則求之甚力朕謂犁庭掃穴卽  
不敢必然塔爾塔之地必不可以久居若而人毋  
寧用其鋒而觀厥成卽不如志亦非所悔也故凡  
禡旗命將之典概未舉行亦云偏師嘗試爲之耳  
塞上用兵必以秋而阿睦爾撒納瑪木特請以春  
月欲乘彼馬未肥則不能遜朕謂其言良當遂從  
之北路以二月丙辰西路以二月己巳各啟行喀

永興縣志

卷之首

宸翰

十三

密泮海向無雨今春乃大雨咸以爲時雨之師入  
賊境凡所過之鄂拓克攜羊酒糗糒構迎恐後五月  
乙亥至伊犁亦如之達瓦齊於格登山麓結營以  
待兵近萬我兩將軍議以兵取則傷彼必眾彼眾  
皆我眾多傷非以體上慈也丁亥遣阿玉錫等二  
十五人夜斫營覘賊向賊兵大潰相蹂躪死者不  
可勝數來降者七千餘我二十五人無一人受傷  
者達瓦齊以百餘騎竄六月庚戌獵人阿奇穆霍  
集斯伯克執達瓦齊來獻軍門準噶爾平是役也  
定議不過二人籌事不過一年兵行不過五月無



亡矢遺鏃之費大勲以集遐壤以定豈人力哉

天也然

天垂佑而授之事機設不奉行之以致坐失者多矣可與樂成不可與謀始亦謂蚩蚩之眾云爾豈其卿大夫之謂既克集事則又曰苟知其易將勸爲之夫明於事後者必將昧於幾先朕用是寒心且準噶爾一小部落耳一二有能爲之長而其樹也固焉一二暴失得之長而其亡也忽焉朕用是知懼武成而勒碑文廟例也禮臣以爲請故據實事書之其辭曰

永興縣志

卷之首

宸翰

十四

茫茫伊犁大幹之西匪今伊昔化外羈縻條支之東大宛以南隨畜獵獸蟻聚狼貪乃世其惡乃恃其遠或激我攻而乘我緩其計在斯其長可窮止戈靖邊化日薰風不侵不距不來其那款關求市亦不禁訶始慕希珍終居奇貨吏喜無事遷就斯悞漸不可長我豈懼其豈如宋明和市之爲旣知其然飭我邊吏弗縱弗嚴示之節制不仁之守再世斯斬纂集相仍飄忽荏苒夙沙草面煎鞏披忱集泮飛鴉食糶懷音錫之爵位榮以華裾膝前面請願効前驅兵分兩路雪甲霜鋒先導中堅如鼉



錯攻益以後勁蒙古舊屬八旗子弟其心允篤二月卜吉牙旗飄颻我騎斯騰無待折膠泉涌於磧蕪苗於路我眾歡躍謂有

天助匪啻我眾新附亦云黃髮未覩水草富春烏魯木齊波羅塔拉台吉宰桑紛紛款納牽其肥羊及馬潼酒獻其屠耆合掌雙手予有前諭所禁侵陵以茶交易大愉眾情眾情既愉來者日繼蠢達瓦齊擁兵自衛依山據淖惟旦夕延有近萬人共心十千勇不目逃掄二十五日阿玉錫率往賊所銜枚夜襲直入其郭揮矛拍馬大聲疾呼彼人既離我

永興縣志

卷之首

宸翰

一五

志斯合突將無前縱橫鞞鞞案角鹿埵隴種東籠自相狼籍孰敢撻鋒狐鼠鼠逃將往異域狃部遮之兇渠斯得露布既至告

廟受俘凡此葳功荷

天之衢在古周宣二年乙亥淮夷是平常武詩載越我皇祖征鳴爾丹命將禡旗亦乙亥年既符歲德允協師貞兵不血刃漠無王庭昔時準夷弗恭弗諷今隨師行爲師侯尉昔時準夷日戰夜征今也偃卧知樂人生曰匪準夷曰我臣僕自今伊始安爾游牧爾牧爾耕爾長孫子曰無向非豈有今是



兩朝志竟億載基成側席不遑保泰持盈

國朝頒發載籍

上諭 四十八本康熙六十年頒

學政全書 四年頒

名教罪人詩 二年頒

學政全書 四年頒

上諭文武和衷論 二年頒

廿一史 五年頒

十三經 二百二十本乾隆四年頒

明史 一百二十本乾隆七年頒

欽定四書 七十二本乾隆七年頒

朱子書 八十本乾隆十一年頒

上諭 十本乾隆七年頒

大學衍義 二十本乾隆十一年頒

上諭 十六本乾隆八年頒

孝經近思錄 十六本乾隆十一年頒

欽定詩經傳說彙纂 四十本

書經傳說彙纂 四十本

永興縣志 卷之首

宸翰 十六

御纂周易折衷 二十本

春秋傳說彙纂 四十本

御纂性理精義 十本

淵鑿古文 八十本

御製日講四書解義 二十本

四書 四十本

御撰資治通鑑綱目 四本

學政全書 八本乾隆二十一年頒

欽定清語書 一本

續增學政全書 四本

御選唐宋詩醇

唐宋文醇 乾隆二十九年頒

御纂詩義折中 八本

春秋直解 八本

御纂周易述義 四本

大清律 三十一本乾隆三十二年頒

御製詩文初集二集 七十本

名律條例 十七本

御論 一本嘉慶三年頒

湖南祀典 二本



御製詩韻

呂祖師儀注二本

聖諭廣訓

二本嘉慶十年頒

刊刷條例六本

聖諭廣訓註解

一本嘉慶十五年頒

禮部則例四本

聖諭廣訓恭譯直講

二本嘉慶九年頒

永興縣志

卷之首

宸翰

十七



國朝

臨朐知縣廖應召父母並本身妻

勅命四道

康熙十四年

制曰資父事君臣子篤匪躬之誼作忠以孝國家宏錫類之恩爾廖崇仁乃山東青州府臨朐縣廖應召之父善積於身祥開厥後教子著義方之訓傳家裕堂構之遺茲以覃恩贈爾爲文林郎山東青州府臨朐縣知縣錫之勅命於戲殊榮必逮於所親寵命用光夫有子承茲優渥永著忠勤

制曰奉職在公嘉教勞之有自推恩將母宜錫典之攸

永興縣志

卷之首

宸翰

六

隆爾山東青州府臨朐縣知縣廖應召母康氏壺範宜家夙協承筐之媿母儀貽穀載昭晝荻之芳茲以覃恩贈爾爲孺人於戲彰淑德於不瑕式榮象服膺寵命之有赫永賁泉壚

制曰錫類推恩朝廷之大典分猷亮采臣子之常經爾山東青州府臨朐縣知縣廖應召職任牧民才堪良吏清廉克彰乎庶事慈惠允著於當官慶典適逢新綸宜沛茲以覃恩授爾爲文林郎錫之勅命於戲宏敷章服之榮用勵靖共之誼欽茲寵命懋乃嘉猷



制曰恪共奉職良臣既殫厥心貞順宜家淑女爰從其  
貴爾山東青州府臨朐縣知縣廖應召妻曹氏含  
章協德令儀夙著於閨闈黽同心內則相成於  
夙夜茲以覃恩贈爾爲孺人於戲龍章載煥用褒  
敬戒之勤翟芾欽承益勵柔嘉之則

濬縣典史李祖洪父母

勅命二道

乾隆十年

制曰設官分職昭器使之無遺錫類施仁喜蒙恩於伊  
始爾李顯緒乃現任河南衛輝府濬縣典史李祖  
洪之父秉心醇樸飭行端方教誨懷式穀之勤政

永興縣志

卷之首

宸翰

十一

事本詒謀之善茲以爾子遵例急公馳贈爾爲登  
仕佐郎錫之勅命於戲一命得以逮親遂膺曠典  
庶政期於稱職篤迓休光

制曰登皇路以馳驅忠原本孝入庭闈而侍奉嚴必兼  
慈爾現任河南衛輝府濬縣典史李祖洪之母廖  
氏性本和柔飭衿鞶於閨內教惟勤慎紆章服於  
庭前茲以爾子遵例急公馳贈爾爲九品孺人於  
戲所親邀優渥之恩勉圖懋績有子效靖共之誼  
宜播芳徽

廣東提標右營千總楚以龍之祖父母並父母



勅命四道

乾隆十六年

制曰策勲疆圉溯大父之恩勤錫賚絲綸表皇朝之沛澤爾楚明璣乃廣東提標右營千總楚以龍之祖父敬以持躬忠能啟後威宣閩外家傳韜畧之書澤沛天邊國有旂常之典茲以覃恩贈爾爲忠顯校尉錫之勅命於戲我武維揚特起孫枝之秀賞延於世益徵遺緒之長

制曰樹豐功於行陣業著文孫錫介福於庭幃恩推大母爾廣東提標右營千總楚以龍之祖母曹氏壺儀足式令聞攸昭振劍佩之家聲輝流奕世播絲

永興縣志

卷之首

宸翰

二十

綸之國典慶衍再傳茲以覃恩馳贈爾爲安人於戲翟弗用光膺宏休於天闕龍章載煥錫大惠於重泉

制曰寵綬國爵式嘉閎闔之勞蔚起門風用表庭幃之訓爾楚光華乃廣東提標右營千總楚以龍之父義方啟後穀似光前積善在躬樹良型於弓冶克家有子拓令緒於韜鈴茲以覃恩馳贈爾爲忠顯校尉錫之勅命於戲錫策府之徽章洵承恩澤荷天家之休命永賁泉壚

制曰怙恃同恩人子勤思於將母越桓著績王朝錫類



以榮親爾廣東提標右營千總楚以龍之母謝氏  
七誠嫺明三遷勤篤令儀不忒早流珩瑀之聲慈  
教有成果見干城之器茲以覃恩贈爾爲安人於  
戲錫龍綸而煥采用答劬勞被象服以承休永光  
泉壤

廣西平樂協左營千總楚大化父母並本身妻

勅命四道

乾隆二十六年

制曰寵綏國爵式嘉闕閱之勞蔚起門風用表庭幃之  
訓爾楚以才乃廣西平樂協左營千總楚大化之  
父義方啟後毅似光前積善在躬樹良型於弓冶

永興縣志

卷之首

宸翰

三

克家有子拓令緒於韜鈴茲以覃恩馳贈爾爲武  
信佐郎錫之勅命於戲錫策府之徽章洵承恩澤  
荷天家之休命永資泉壤

制曰怙恃同恩人子勤思於將母起桓著績王朝錫類  
以榮親爾黃氏乃廣西平樂協左營千總楚大化  
之母七誠嫺明三遷勤篤令儀不忒早流珩瑀之  
聲慈教有成果見干城之器茲以覃恩馳贈爾爲  
安人於戲錫龍綸而煥采用答劬勞被象服以承  
休永光泉壤

制曰國威覃布尙勤鞶鼓之思武備勤修允重干城之



選爾廣西平樂協左營千總楚大化材勇著聞韜  
鈴嫻習戎行振飭共知士伍無譁軍政修明因見  
拊循有素欣逢慶典宜煥溫綸茲以覃恩特授爾  
階武信佐郎錫之勅命於戲策幕府之勲名祇承  
休命荷天家之光寵勿替成勞

制曰策府疏勲甄武臣之茂績寢門宁業闡賢助之徽  
音爾曹氏乃廣西平樂協左營千總楚大化之妻  
毓質名閨作嬪右族擢蘋采藻夙彰宜室之風說  
禮敦詩具見同心之雅茲以覃恩贈爾爲安人於  
戲錫龍章於閨闈惠問常流荷嘉獎於絲綸芳聲

永興縣志

卷之首

宸翰

二五

永劭

保定府容城縣典史楚以祁父母

勅命三道

乾隆三十六年

制曰設官分職昭器使之無遺錫類施仁喜蒙恩於伊  
始爾楚光夔迺從九品借補直隸保定府容城縣  
典史楚以祁之父秉心醇樸飭行端方教誨懷式  
穀之勤政事本貽謀之善茲以覃恩贈爾爲登  
仕佐郎錫之勅命於戲一命得以逮親遂膺曠典  
庶政期於稱職永荷榮光

制曰登皇路以馳驅忠原本孝入庭闈而侍奉嚴必兼



慈爾馬氏迺從九品借補直隸保定府容城縣典史楚以祁之嫡母性本和柔飭衿鞶於閨內教惟勤慎紆章服於庭前茲以覃恩賜贈爾爲九品孺人於戲所親邀優渥之恩勉圖懋績有子効靖共之誼永表芳型

制曰出從王事庶司並重得人入奉母儀繁祉允隆生我爾李氏迺從九品借補直隸保定府容城縣典史楚以祁之生母賦姿溫惠秉性幽貞閨範賴其贊襄母德表其慈愛茲以覃恩賜贈爾爲九品孺人於戲寵命非常廣沛推恩之典榮施有自益宏

永興縣志

卷之首

宸翰

三

教子之方

保定府容城縣典史楚以祁

勅命一道

乾隆四十二年

制曰錫類推恩朝廷之大典奉公効職臣子之常經爾從九品借補直隸保定府容城縣典史加四級楚以祁賦質純良持身恪謹既服官而奏績行報國以抒誠襄事維勤新綸宜賁茲以覃恩授爾爲登仕佐郎錫之勅命於戲宏敷章服之榮用勵靖共之誼欽茲寵命懋乃嘉猷

山西直隸解州安邑縣聖惠司巡檢李彥春父



母

勅命三道

制曰設官分職昭器使之無遺錫類施仁喜蒙恩於伊始爾李俊階乃山西解州安邑縣聖惠司巡檢李彥春之父秉心醇樸飭行端方教誨懷式穀之勤政事本詒謀之善茲以覃恩馳贈爾爲登仕佐郎山西解州安邑縣聖惠司巡檢錫之勅命於戲一命得以遠親遂膺曠典庶政期於稱職篤迓休光

制曰登皇路以馳驅忠原本孝入庭闈而侍奉嚴必兼慈爾黃氏乃山西解州安邑縣聖惠司巡檢李彥

永興縣志

卷之首

宸翰

十四

春之嫡母性本和柔飭衿鞶於閨內教惟勤慎紆章服於庭前茲以覃恩馳贈爾爲九品孺人於戲所親邀優渥之恩勉圖懋績有子効靖共之誼宜播芳徽

制曰出從王事庶司並重得人入奉母儀繁祉允隆生我爾曹氏乃山西解州安邑縣聖惠司巡檢李彥春之生母賦姿溫惠秉性幽貞閨範賴其贊襄母德表其慈愛茲以覃恩贈爾爲九品孺人於戲寵命非常廣沛推恩之典榮施有自益宏教孝之方州同加三級曹長顯祖父母父母



勅命四道

嘉慶二十二年

制曰考績報循良之最用獎臣勞推恩溯積累之遺載揚祖澤爾曹澤蒸乃州同加三級曹長顯之祖父錫光有慶樹德務滋嗣清白之芳聲澤留再世衍弓裘之令緒祐篤一堂茲以爾孫克襄王事馳封爾爲奉政大夫錫之誥命於戲聿修念祖膺茂典而益勵新猷有穀貽孫荷殊恩而式彰舊德

制曰册府醜庸聿著人臣之懋績德門輯慶式昭大母之芳徽爾何氏乃州同加三級曹長顯之祖母箴誠揚芬珩璜表德職勤內助宜家久著其賢聲澤

永興縣志

卷之首

宸翰

一五

裕後昆錫類式承乎嘉命茲以爾孫克襄王事馳封爾爲宜人於戲播徽音於彤管壺範彌光膺異數於紫泥母儀益懋

制曰資父事君臣子篤匪躬之誼作忠以孝國家宏錫類之恩爾曹孔法乃州同加三級曹長顯之父善積於躬祥開厥後教子著義方之訓傳家裕堂構之遺茲以爾子克襄王事封爾爲奉政大夫錫之誥命於戲殊榮必逮於所親寵命用光夫有子尙宏佑啟益勵忱恂

制曰奉職在公嘉教勞之有自推恩將母宜錫典之攸



隆爾李氏乃州同加三級曹長顯之母壺範宜家  
夙協承筐之媿母儀貽穀載昭畫荻之芳茲以爾  
子克襄王事封爾爲宜人於戲彰淑德於不瑕式  
榮象服膺寵命之有赫益賁徽音

捐職未入流羅良友父母

勅命二道

嘉慶九年

制曰設官分職昭器使之無遺錫類施仁喜蒙恩於伊  
始爾羅明允乃捐職未入流羅良友之父秉心醇  
樸飭行端方教誨懷式穀之勤政事本詒謀之善  
茲以爾子遵例急公馳封爾爲登仕佐郎錫之勅  
永興縣志

卷之首

宸翰

一六

命於戲一命得以逮親遂膺曠典庶政期於稱職  
篤迓休光

制曰登皇路以馳驅忠原本孝入庭幃而侍奉嚴必兼  
慈爾彭氏乃捐職未入流羅良友之母性本和柔  
飭衿輦於閫內教惟勤慎紆章服於庭前茲以爾  
子遵例急公馳贈爲九品孺人於戲所親邀優渥  
之恩勉圖懋績有子效靖共之誼永表芳型  
捐職未入流曾毓上父母

勅命二道

嘉慶十一年

制曰設官分職昭器使之無遺錫類施仁喜蒙恩於伊



始爾曾愈啟乃捐職未入流曾毓上之父秉心醇  
樸飭行端方教誨懷式穀之勤政事本貽謀之善  
茲以爾子遵例急公馳封爾爲登仕佐郎錫之勅  
命於戲一命得以逮親遂膺曠典庶政期於稱職  
篤迓休光

制曰登皇路以馳驅忠原本孝入庭幃而侍奉嚴必  
兼慈爾曹氏乃捐職未入流曾毓上之母性本和  
柔飭衿鞶於閨內教惟勤慎紆章服於庭前茲以  
爾子遵例急公馳贈爲九品孺人於戲所親邀優  
渥之恩勉圖懋績有子效靖共之誼永表芳型

永興縣志

卷之首

宸翰

二十七

候選訓導李調梅父母

勅命三道

道光三年

奉

天恩

皇帝制曰任使需才稱職志在官之美馳驅奏效報  
功膺錫類之仁爾李維星乃就職候選訓導李調  
梅之父雅尚素風長迎善氣弓冶克勤於庭訓箕  
裘丕裕夫家聲茲以爾子遵例急公馳贈爾爲修  
職佐郎錫之勅命於戲肇顯揚之盛事國典非私  
酬燕翼之深情臣心彌勵



制曰奉職無愆懋著勤勞之績致身有自宜酬鞠育之恩爾史氏乃就職候選訓導李調梅之母淑範宜家令儀昌後早相夫而教子俾移孝以作忠茲以爾子遵例急公勉贈爾爲八品孺人於戲賁象服之端嚴誕膺鉅典錫龍章之渙汗允播徽音

制曰佐庶司之經理爰獎通才勸百爾之孝思用彰慈教爾鄧氏乃就職候選訓導李調梅之繼母德可型家恩能育子顧復無殊於所出榮光適逮於乃身茲以爾子遵例急公勉封爾爲八品孺人於戲師賢母之風勵茲清白沛熙朝之命慰此劬勞

永興縣志

卷之首

宸翰

二十六

州同加二級陳祖書父母並本身妻

勅命五道

同治七年

奉

天承運

皇帝制曰資父事君臣子篤匪躬之誼作忠以孝國家宏錫類之恩爾陳大勳迺州同銜加二級陳祖書之父善積於身祥開厥後教子著義方之訓傳家裕堂構之遺茲以爾子克襄王事贈爾奉直大夫錫之誥命於戲殊恩必逮於所親寵命用光夫有子欽茲優渥長庇忠勤



制曰奉職在公嘉教勞之有自推恩將母宜錫典之  
攸隆爾馬氏迺州同銜加二級陳祖書之前母壹  
範宜家夙協承筐之耀母儀胎穀載昭畫荻之芳  
茲以爾子克襄玉事贈爾爲宜人於戲彰淑德於  
不瑕式榮象服膺寵命之有赫允賁泉壚

制曰劬勞由於己出母氏鞠育之恩哀卹及於所生  
朝廷旌揚之典爾王氏迺州同銜加二級陳祖書  
之母夙嫻壺範克嗣徽音和夫則敬以宜家教子  
而勤能奉職茲以爾子克襄玉事贈爾爲宜人於  
戲龍綸煥采式揚淑德之名象服承庥允膺湛恩

永興縣志

卷之首

宸翰

二十九

之寵

奉

天承運

皇帝制曰錫類推恩朝廷之大典奉公效職臣子之  
常經爾州同銜加二級陳祖書賦質純良持身恪  
謹旣服官而奏績行報國以抒誠襄事維勤新綸  
宜賁茲以爾克襄玉事授爾爲奉直大夫錫之誥  
命於戲宏敷章服之榮用勵靖共之誼欽茲寵命  
懋乃嘉猷

制曰恪共奉職良臣旣殫厥心貞順宜家淑女爰從



其貴爾州同銜加二級陳祖書之妻馬氏含章協德令儀夙著於閨闈黽勉同心內治相承於夙夜茲以爾夫克襄王事封爾爲宜人於戲龍章載煥用昭敬戒之勤翟第欽承益勵柔嘉之則

留粵補用副將李世祥會祖父母祖父母父母

勅命六道 同治 年

奉

天承運

皇帝制曰宣暢國威統三軍而奏績采甄世德溯四世以推恩積慶有源流光自遠爾李昌澹迺留粵

永興縣志

卷之首

宸翰

三十

補用副將李世祥之曾祖父淳心抱質善氣儲祥不建乃家允紹弓裘於奕葉克昌厥後誕膺節鉞於高門爰賁徽章俾揚令聞茲以爾曾孫帶勇打仗出力賞賚贈爾爲武功將軍錫之誥命於戲簪纓赫奕式隆一品之殊榮綸誥輝煌用慰九原之夙志祇承寵命長播休聲

制曰德門積善衍餘慶於後人幕府策勳錫殊恩於先世家聲克大闡範攸彰爾姚氏迺留粵補用副將李世祥之曾祖母佩服女箴嫺明母道惠風肆好畱懿訓於閨中令緒三傳毓奇才於闈外爰頒



茂典俾闡徽音茲以爾曾孫帶勇打仗出力賞賜  
贈爾爲夫人於戲渙汗誕敷用播深遐之澤湛恩  
徧灑式揚賢淑之名顯命丕承幽光允賁  
奉

天承運

皇帝制曰策勳疆圉昭大父之恩勤錫賚絲綸表皇  
朝之霈澤爾李萬程迺畱粵補用副將李世祥之  
祖父敬以持躬忠能啟後威臨閩外家傳韜畧之  
書澤沛天邊國有旂常之典茲以爾孫帶勇打仗  
出力賞贈爾爲武功將軍錫之誥命於戲我武維

永興縣志

卷之首

宸翰

三十一

揚特起孫枝之秀賞延於世益徵世緒之長

制曰樹豐功於行陣業署文孫錫介福於庭幃恩推  
大母爾何氏迺畱粵補用副將李世祥之祖母壺  
儀足式令聞攸昭表劍佩之家聲輝流奕世播絲  
綸之國典慶衍再傳茲以爾孫帶勇打仗出力賞  
贈爾爲夫人於戲翟蒨用光膺宏庥於天闕龍章  
載煥被大惠於重泉  
奉

天承運

皇帝制曰寵綏國爵式嘉闕閱之勞蔚起門風用表



庭闈之訓爾李代琳迺畱粵補用副將李世祿之  
父義方啟後穀似光前積善在躬樹良型於弓冶  
克家有子拓令緒於韜鈴茲以爾子帶勇打仗出  
力賞封爾爲武功將軍錫之誥命於戲錫策府之  
徽章游承恩澤荷天家之休命增耀門閭

制曰怙恃同恩人子勤思於將母赴桓著績王朝錫  
類以榮親爾何氏迺畱粵補用副將李世祿之母  
七誠嫻明三遷勤篤令儀不忒早流珩璫之聲慈  
教有成果見干城之器茲以爾子帶勇打仗出力  
賞封爾爲夫人於戲錫龍綸而煥采用答劬勞被

永興縣志

卷之首

宸翰

三十三

象服以承麻允膺光寵

州同銜馬克端祖父母並父母

勅命五道

奉

天承運

皇帝制曰考績報循良之最用弊臣勞推恩溯積累  
之遺載揚祖澤爾馬立熙乃州同銜馬克端之祖  
父錫光有慶樹德務滋嗣清白之芳聲澤畱再世  
衍弓裘之令緒祐篤一堂茲以爾孫遵例急公勉  
封爾爲儒林郎錫之勅命於戲聿修念祖膺茂典



而益勵新猷有穀貽孫荷殊恩而式彰舊德  
制曰冊府酬庸聿著人臣之懋績德門輯慶式昭大  
母之芳徽爾鄧氏迺州同銜馬克端之祖母箴誠  
揚芬珩璜表德職勤內助宜家久著其賢聲澤裕  
後昆錫類式承乎嘉命茲以爾孫遵例急公馳封  
爾爲安人於戲播徽音於彤管壹範彌光膺異數  
於紫泥母儀益懋  
奉

天承運

皇帝制曰資父事君臣子篤匪躬之誼作忠以孝國

永興縣志

卷之首

宸翰

三十三

家宏錫類之恩爾馬紹慧迺州同銜馬克端之父  
善積於身祥開厥後教子著義方之訓傳家裕室  
構之遺茲以爾子遵例急公封爾爲儒林郎錫之  
勅命於戲殊榮必逮於所親寵命用光夫有子尙  
宏佑啓益勵忱恂

制曰奉職在公嘉教勞之有自推恩將母宜錫典之  
攸隆爾李氏迺州同銜馬克端之母壹範宜家夙  
協承筐之媿母儀貽穀載昭畫荻之芳茲以爾子  
遵例急公贈爾爲安人於戲彰淑德於不瑕式榮  
象服膺寵命之有赫允貴臬



制曰奉職在公嘉教勞之有自推恩將母宜錫典之  
攸隆爾許氏迺州同銜馬克端之母壺範宜家夙  
協承筐之媿母儀貽穀載昭畫荻之芳茲以爾子  
遵例急公封爾爲安人於戲彰淑德於不瑕式榮  
象服膺寵命之有赫益賁徽音

州同銜李乃斌祖父母並父母

勅命五道

奉

天承運

皇帝制曰考績報循良之最用獎臣勞推恩溯積累

永興縣志

卷之首

宸翰

三十四

之遺載揚祖澤爾李鍾翰迺州同銜加二級李乃  
斌之祖父錫光有慶樹德務滋嗣清白之芳聲澤  
畱再世衍弓裘之令緒祐篤一堂茲以覃恩馳贈  
爾爲奉直大夫錫之誥命於戲聿修念祖膺茂典  
而益勵新猷有穀貽孫發幽光而不彰潛德

制曰冊府酬庸聿著人臣之茂績德門輯慶式昭大

母之芳徽爾

曹氏

迺州同銜加二級李乃斌之祖

母箴誠揚芬珩璜表德職勤內助宜家久著其賢  
聲澤裕後昆錫類式承乎嘉命茲以覃恩馳贈爾  
爲宜人於戲播徽音於彤管壺範彌光膺異數於



紫泥天庥允劭

奉

天承運

皇帝制曰資父事君臣子篤匪躬之誼作忠以孝國  
家宏錫類之恩爾李聯芳迺州同銜加二級李乃  
斌之父善積於身祥開厥後教子著義方之訓傳  
家裕堂構之遺茲以覃恩封爾爲奉直大夫錫之  
誥命於戲殊榮必逮於所親寵命用光夫有子尙  
宏佑啓益勵忱恂

制曰奉職在公嘉教勞之有自推恩將母宜錫類之

永興縣志

卷之首

宸翰

三十五

攸隆爾曹氏迺州同銜加二級李乃斌之母壺範  
宜家夙協承筐之媿母儀貽穀載昭畫荻之芳茲  
以覃恩封爾爲宜人於戲彰淑德於不瑕式榮象  
服膺寵命之有赫允賁泉壚

制曰奉職在公嘉教勞之有自推恩將母宜錫類之  
攸隆爾張氏迺州同銜加二級李乃斌之母壺範  
宜家夙協承筐之媿母儀貽穀載昭畫荻之芳茲  
以覃恩贈爾爲宜人於戲彰淑德於不瑕式榮象  
服膺寵命之有赫益賁徽音



振威將軍曹福勝曾祖父母祖父母父母並本  
身妻

勅命八道 同治四年

奉

天承運

皇帝制曰宣暢國威統三軍而奏績采甄世德溯四  
世以推恩積慶有源流光自遠爾曹應張迺記名  
遇缺儘先題奏提督綽勒歡巴圖魯曹福勝之曾  
祖父純心抱質善氣儲祥丕建乃家允肇弓裘於  
奕葉克昌厥後誕膺節鉞於高門爰賁徽章俾揚  
永興縣志 宸翰  
卷之首 宸翰  
三十六

令問茲以爾曾孫克復江西新城弋陽案內出力  
賞贈爾爲振威將軍錫之誥命於戲簪纓赫奕式  
隆一品之殊榮綸誥輝煌用慰九原之夙志祇承  
寵命長播庥聲

制曰德門積善衍餘慶於後人幕府策勲錫殊恩於  
先世家聲克大閭範攸彰爾唐氏迺記名遇缺儘  
先題奏提督綽勒歡巴圖魯曹福勝之曾祖母佩  
服女箴嫺明母道惠風肆好畱懿訓於閨中令緒  
三傳毓奇才於闔外爰頒茂典俾闡徽音茲以爾  
曾孫克復江西新城弋陽案內出力賞贈爾爲一



品夫人於戲渙汗誕敷用播深遐之澤湛恩徧灑  
益揚賢淑之名顯命丕承幽光允賁

奉

天承運

皇帝制曰嘉勞臣之偉伐遠溯家風策專閭之崇勲  
上推祖德舊章斯在新渥攸加爾曹德祖迺記名  
遇缺儘先題奏提督綽勒歡巴圖魯曹福勝之祖  
父善可開祥教能詒穀集軒車於里閭早知世澤  
之長擁節鉞於方州幸見孫謀之裕爰頒寵爵俾  
荷崇褒茲以爾孫克復江西新城弋陽案內出力

永興縣志

卷之首

宸翰

三七

賞贈爾爲振威將軍錫之誥命於戲錫五色之徽  
章丕光合緒沛九重之濺澤益煥膚功庶命其承  
純風追表

制曰豐功炳燦端錫慶於閭闈懿德深長恆鍾祥於  
子姓特加渥典用溯庥聲爾匡氏迺記名遇缺儘  
先題奏提督綽勒歡巴圖魯曹福勝之祖母毓賢  
清門作嬪名族肅雍壺範夙知詒教之風碩大孫  
枝爾見含飴之澤式逢慶典特賚徽章茲以爾孫  
克復江西新城弋陽案內出力賞贈爾爲一品夫  
人於戲發珩璫之流光恩綸下賁煥巾幘之異采



寵命攸敷茂獎欽承良型彌播  
奉

天承運

皇帝制曰國爵優崇樹鷹揚之偉烈家聲光大表燕  
冀之良模特布新綸用彰舊德爾曹佳然迺記名  
遇缺儘先題奏提督綽勒歡巴圖魯曹福勝之父  
清門代啓素履恭修教子義方早授豹韜之畧傳  
家忠孝果符鵲印之祥慶典式逢崇階宜陟茲以  
爾子克復江西新城弋陽案內出力賞封爾爲振  
威將軍錫之誥命於戲顯揚克遂麻茲天室徽章

永興縣志

卷之首

宸翰

三八

作述交輝展也人倫盛事合名無忝寵命丕承

制曰元戎受任旣協吉於師貞閩範貽芳更推源於  
母德克光內則載錫殊恩爾鄧氏迺記名遇缺儘  
先題奏提督綽勒歡巴圖魯曹福勝之母早習規  
型夙嫻圖史合儀不忒表懿範於閩門慈教有成  
樹鴻勳於幕府式頒慶典用闡徽音茲以爾子克  
復江西新城弋陽案內出力賞封爾爲一品夫人  
於戲錫茂獎於蘭陔芳蕤益播被惠風於慈佩馨  
澤彌新祗服誥詞益標芳規  
奉



天承運

皇帝制曰提封千里資闡外之崇勛統御三軍樹師中之偉伐膚功克奏寵命宜由爾記名遇缺儘先題奏提督綽勒歡巴圖魯曹福勝智既深沈才兼恢傑夙時緩帶久宜閎闊之勞此日登壇遂受節鉞之寄整威容於軍壘令肅凝霜占喜氣於戎行恩均挾纘逢斯慶典被以徽章茲以爾克復江西新城弋陽案內出力賞授爾爲振威將軍錫之誥命於戲賁寵酬庸已推恩於鳳誥抒忠報國尙有意於麟圖勿替乃勛祇承朕命

永興縣志

卷之首

宸翰

三十九

制曰推恩錫爵王臣奏秉鉞之勳履順思莊女士著宜家之美良型旣播茂獎宜加爾記名遇缺儘先題奏提督綽勒歡巴圖魯曹福勝之妻沈戴氏毓質名閨作嬪右族恪恭當室率禮法於珩璜龜勉相夫樹勳名於帷幄特頒令典俾聞徽音茲以爾夫克復江西新城弋陽案內出力賞封爾爲一品夫人於戲被七章之榆翟象服攸宜賁五色之綸絲鸞書有耀祇承顯命彌劬庶聲



明

京御史黃文惠勅 永樂六年

朕聞御史之職貴乎控馭之才風紀之官任以糾彈之政苟非明體達用之人曷克以膺是耶爾黃文惠性資純厚才學淵深名譽日彰功勳愈著志開衡嶽之雲氣驅騷魚之暴精神足以動天地文理足以感鬼神似茲大德宜授褒崇故特擢爾為京御史爾其益篤忠貞克勤乃事撫黎元於畿內振綱紀於朝端其往欽哉勿替朕命

昭信校尉黃福父母並本身妻勅命 永樂六年

永興縣志 卷之首

宸翰

制曰昔者聖王之治天下也必資威武以安黔黎未嘗專修文而不演武朕特倣古制設武職以衛治功受斯任者必忠以立身仁以撫眾智以察微防姦禦侮幾無暇時能此則榮及前人福延後嗣而身家永昌矣敬之勿忽

黃福年四十五歲邑金陵鄉三都上青山人其父黃玉洪武三年充郴州守禦千戶劉保軍以年老將兄宗伍代役旋又病故將福補役二十三年十月調本衛前所二十五年十二月調中右所三十年十月為因右腿寒濕氣病將經黃



保代役以三十二年七月初五日事屢戰至三十三年九月陞小旗三十四年三月夾河大戰保失陷將福補役三十五年十一月二十九日欽陞昭信校尉金吾後衛右所百戶永樂元年四月十八日欽調金吾左衛中所二年十二月二十一日欽與世襲父黃玉贈昭信校尉管軍百戶母王氏封安人妻譚氏封安人

宜用小字因刻定不便更正

河南按察司提學僉事曹連勅

正統八年

朕惟國家致治在於賢才賢才之成本於學校帝王相承之盛典也朕自卽位以來惓惓於此而所在有

永興縣志

卷之首

宸翰

二

司率不究心苟具虛文應用故事如此而望成賢才興治化其可得乎今慎簡賢臣分理學政特命爾於河南巡視提督各郡縣儒學爾其欽哉夫一方之學總於汝是一方之師繫於汝矣率而行之必自身始必自進其學學充而後可以諭人必自飭其行行端而後可以表下將一方之學有成效惟爾之能不然惟爾弗任爾其懋哉所有合行事宜條示於後其敬承之故勅

義民劉宗琳勅

正統八年

國家施仁養民爲首爾湖廣郴州永興縣民劉宗琳



能出穀一千一十石用助賑濟有司以聞朕用嘉之  
今特賜勅獎諭勞以羊酒旌爲義民仍免本戶雜犯  
差役三年尙允蹈忠厚表勵風俗用副朝廷褒嘉之  
意欽哉故勅

義民李素勅

正統八年一  
本作李思素

國家施仁養民爲首爾湖廣郴州永興縣民李素能  
出穀一千一十石用助賑濟有司以聞朕用嘉之今  
特賜勅獎諭勞以羊酒旌爲義民仍免本戶雜犯差  
役三年尙允蹈忠厚表勵風俗用副朝廷褒嘉之意  
欽哉故勅

永興縣志

卷之首

宸翰

三

大理寺左少卿曹連勅諭

景泰六年

朕惟國家慎重邊務故每簡用武臣以備戰守至於  
參贊機務撫安士卒禁革奸弊尤貴得人延安綏德  
實西北之要邊今特命爾往彼參贊軍務遇有賊寇  
侵犯勢寡則各照依地方及會附近官軍勦殺勢眾  
則必約會大眾擒捕務要同心協力共圖成功勿致  
纖毫疏虞所管官軍尤宜用心撫恤養其銳氣糧餉  
必須以時支給不許下人侵欺操練軍士必須衣甲  
鮮明器械鋒利城堡墩臺必須修葺堅完差撥的當  
官員有力軍士常川守瞭屯田士卒時常巡視令其



及時耕種以充軍餉其官軍人等及無籍小人有作  
弊犯科及管軍頭目有不遵法度私役軍士尅減糧  
餉偷盜食糧及通同作奸之徒科斂財物尅害軍士  
者爾宜嚴加禁治應拿問者除指揮以上奏請千戶  
以下拿問依律照例發落朕以爾爲法司重臣故特  
命以前事爾宜奉公守法表率將帥務使軍威整肅  
邊境清寧則惟汝嘉勿怠勿忽故諭

刑部主事曾韃父母並本身妻勅命四道

成化年

制曰朝廷任用才能以勵爲臣之忠因推恩典以遂  
爲子之孝故親雖不存而命必及焉爾曾克謙乃刑

永興縣志

卷之首

宸翰

四

部四川清吏司主事韃之父善積厥躬屢延於後致  
有令子效用於時推原所自恤典宜頒茲特贈爾爲  
承德郎刑部四川清吏司主事九原有知服斯寵命  
制曰孝子之愛親者靡有存沒之間故朝廷推恩必  
及之所以體其心而重大倫也爾羅氏乃刑部四川  
清吏司主事曾韃之母相夫教子淑行可嘉子旣登  
庸祿不逮養推原厥本卹典宜申茲特贈爲安人尙  
克承之永賁幽壤

制曰刑部掌天下刑獄之政令故詳於置屬以分理  
之必得平恕之士乃克稱焉爾刑部四川清吏司主



事會輓發身賢科擢居是職歷年滋久茂著公勤宜錫寵恩以旌勞勩是用晉爾階承德郎錫之寵命以爲爾榮爾尙體朕欽錫之意毋縱毋苛俾刑適中民無冤抑庶不負任使欽哉

制曰朝廷推恩羣臣而必及其配者所以示從夫之宜彰敵體之尊也爾刑部四川清吏司主事曾輓妻楚氏恪修婦道善相其夫夫旣顯榮爾宜偕貴茲特封爲安人服此榮恩永光閨闈

大理寺左評事曹佺父母誥命二道

宏治 年

制曰國家任用羣臣旣有爵位之榮而於其親復有

永興縣志

卷之首

宸翰

五

推恩之典所以遂其顯揚之志也爾大理寺左少卿曹連乃南京大理寺左寺左評事佺之父昔官卿貳賢聲已著於生前有子繼繩恩典宜推於歿後茲特贈爾爲中議大夫資治尹靈爽如存尙其欽服

制曰孝莫大乎顯揚恩莫重乎褒錫肆朝廷推恩臣下而必及其親者所以崇孝禮而示激勸也爾李氏乃南京大理寺左寺左評事曹佺之母克相良人訓成賢子母儀婦道兼美可嘉茲雖因子推恩所宜從夫錫號茲特贈爲恭人九泉有知服斯寵命

大理寺左評事曹佺並妻勅命三道

宏治 年



制曰刑者民命所關天下之刑皆平於大理必得端  
慎明恕之士庶克稱焉爾南京大理寺左寺左評事  
曹佺發跡賢科擢任今職祥刑明允懋著聲稱宜錫  
恩寵以旌勞勩是用晉爾階文林郎錫之勅命以爲  
爾榮爾尙益公乃心益慎乃事必使刑罰適中民無  
冤抑庶副朕欽恤之意欽哉

制曰夫婦人之大倫故朝廷推恩臣下命必及之而  
於存歿一也爾南京大理寺左寺左評事曹佺妻李  
氏婦道有稱於生前恩典宜推於歿後茲特贈爲孺  
人服此休光永慰冥漠

永興縣志

卷之首

宸翰

六

制曰國家推恩羣臣而必及其室家者所以厚人倫  
之本也爾南京大理寺左寺左評事曹佺之繼妻顏  
氏恪修婦道善相其夫茲特封爲孺人祇服榮恩永  
光閨闈

刑部主事黃珙父母並本身妻勅命四道

宏治  
年

制曰父之教子期於成名子之孝親志於顯揚肆國  
家推恩之典必有以體其孝親之心而醕其善教之  
功焉爾江西瑞州府上高縣知縣黃鉞乃刑部江西  
清吏司主事珙之父居官有譽素履弗渝訓子登科  
褒恩宜錫茲特贈爲承德郎刑部江西清吏司主事



靈其不昧服此休嘉

制曰孝莫大於顯揚恩莫隆於褒寵朝廷推恩臣下而必及其親者所以崇孝禮而示激勸也爾張氏乃刑部江西清吏司主事黃琪之母懿行夙著於閨門慈訓能成其賢子沂惟所自宜賜褒章茲特封爲安人命服之華永綏祿養

制曰朕惟刑部古司寇之職掌天下刑獄之政故置屬特詳於諸部然非平恕明敏之士曷克稱焉爾刑部江西清吏司主事黃琪早以明經登名進士擢縣令而克宣豈弟遷部屬而嫻熟刑名考最令官宜頒

永興縣志

卷之首

宸翰

七

恩典是用進爾階承德郎錫之勅命以爲爾榮爾尙體朕欽恤之意盡審克之能使刑不濫而民不冤斯稱用賢之意爾惟欽哉

制曰人倫始於夫婦風化本於閨門朝廷褒寵臣下而必及其配者所以嘉內助之能示恩意之廣也爾刑部江西清吏司主事黃琪妻曹氏克敦婦道夙著賢稱善相其夫居官弗懈茲特封爲安人服此榮恩永光閨闈

兵部主事李永敷父母並本身妻勅命四道

宏治

十二年



制曰子之榮乎親也甚於其身君之寵乎臣也必體其志肆有貶封之典以申報德之情倫理所關朕心奚恡爾李秀實乃兵部武選清吏司主事永敷之父家傳經術名薦鄉闈出宰花封歸聞梓里雖體國愛民之志弗究於時而光前裕後之庶遂鍾於子蜚聲甲第早陪英俊之遊列職郎曹久著賢能之績爰徵義訓用錫褒章茲特封爲承德郎兵部武選清吏司主事遠貽林壑之光益享桑榆之樂

制曰子勤將母褒封實體其情妻本從夫品秩必以其類彝倫攸繫國典具存爾張氏乃兵部武選清吏司主事李永敷之母德禮出乎名家言動循乎內則相夫盡職早偕祿仕之榮教子登庸晚荷褒封之命用旌慈惠兼勵賢能茲特封爲安人眷壽考之有徵服休光於未艾

永興縣志

卷之首

宸翰

八

制曰 缺 兵部武選清吏司主事李永敷授承德郎

制曰 缺 李永敷妻陳氏封安人

御史馮允中父母並本身妻勅命五道

宏治年

制曰旌獎賢勞乃朝廷之著典顯揚先德亦人子之至情故惟世宦之良克廣家傳之業肆加褒寵奚聞存亡爾直隸大名府儒學訓導馮璽乃陝西道監察



御史馮允中之父經術專門賓興高薦郡庠領教賢勞久著於成材科甲蜚聲義訓蚤徵於令子揚清激濁名播憲臺錫命推封光生泉壤眷國恩之攸厚見世德之愈昌茲特贈爲文林郎陝西道監察御史尙期神爽之昭益迓寵靈之賁

制曰子之於母孝愛蓋極其深君之於臣禮意必從其厚故養有不逮而恩無弗加矧予風紀之臣可悛馳封之典爾陳氏乃陝西道監察御史馮允中之母賢明有則敬戒無違秉正道以相夫功成郡校佐義方以訓子名顯甲科願鼎釜之養旣違而風木之懷永興縣志

卷之首

宸翰

九

彌切爰申寵命以示追崇茲特贈爲孺人匪徒增幽壟之光抑亦慰終身之慕

制曰朝廷置風憲之職以監察爲名內肅百僚外巡羣服有扶正抑邪之力有揚清激濁之功於言無所不得陳於事未始不得與此其任爲甚重故其選爲極難爾陝西道監察御史馮允中拔雋賢科分符劇縣善政屢騰於薦剡清班遂陟於憲臺闕廷輸獻納之忠藩省嚴按行之令矧操修之克慎致聲譽之彰聞屬當布德之時軫念賢勞之績預加褒寵特出常科是用進爾階文林郎錫之勅命於戲天下之曲直



皆繫臺評庶政之弛張必先憲體尙懋已成之績益揚終譽之休欽哉

制曰臣有事君之功妻有從夫之義故錄監勞於國者必錫寵命於家此今昔之所同豈存沒而有異陝西道監察御史馮允中妻李氏生自名閨嬪於儒門禮義夙成早著宜家之美琴瑟中斷遽乖偕老之期眷闈範之尙存豈衰章之可吝茲特贈爲孺人懿靈不昧尙克歆承

制曰妻必有繼式隆饋祀之儀恩貴乎均肆及褒封之命茲惟典禮式體恆情陝西道監察御史馮允中

永興縣志

卷之首

宸翰

十一

繼妻張氏儀度周詳性資柔婉夙遵姆訓繼配儒流雖未躬荆布之勞亦克效蘋蘩之職爰因夫貴用展國恩茲特封爲孺人尙虔儆戒之心益迓休祥之至

南京戶部主事馬文父母並本身妻勅命五道

宏治年

制曰朝廷待士之恩莫重於褒錫人子報親之志莫大於顯揚矧予世宦之良克振家傳之業肆加褒寵寧間存亡爾故臨安府通判馬敬乃南京戶部陝西清吏司主事馬文之父純樸不華剛嚴有守名成貞監官列郡僚愛民存豈弟之心蒞事播廉能之譽慶



鍾令子榮陟郎曹顧鼎釜之養弗逮於生前而綸綽之褒宜頒於身後茲特贈爲承德郎南京戶部陝西

清吏司主事匪徒

以下殘缺

制曰 殘缺 馬文之嫡母曹氏封安人

制曰 殘缺 馬文之生母李氏封安人

制曰 殘缺 南京戶部陝西清吏司主事馬文授承德

郎

制曰 殘缺 馬文妻劉氏封安人

兵部郎中李永敷父母並本身妻誥命四道

宏治十八年

永興縣志 卷之首

宸翰

十二

制曰 殘缺 兵部職方清吏司署郎中事員外郎李永

敷之父李秀實晉贈奉直大夫

制曰母氏劬勞義實兼乎教育朝廷寵數禮特重於

褒崇肆緣報本之誠誕示馳封之命亦惟有德始稱

厥名爾封安人張氏乃兵部職方清吏司署郎中事

員外郎李永敷之母柔惠靜專孝慈勤儉出自名族

歸於德門秉正道以相夫功光仕籍佐義方以成子

名揚甲科顧今鼎貴之時尤切官箴之訓祿養方隆

乎三釜慈齡已諭於六旬屬兩宮慶禮之行舉百辟

推恩之典載頒異渥庸判茲闡慈特加封爲宜人康



強無恙諒天道之是徵褒寵有加尙國章之增重益  
綿壽嘏示範族媼

制曰卿分六職惟兵部爲特繁屬列四司在職方爲  
尤重戎機斯繫邦政所先必兼材行之全始稱長僚  
之任茲惟慎選不輕授人爾兵部職方清吏司署郎  
中事員外郎李永敷學本家傳才堪世用早蜚聲於  
甲第旋列職乎曹郎別歷兩司超登五品比以佐而  
署長實以賢而叙升精綜理以戢吏姦庭無稽牒謹  
操修以勵名節家有義方顧聲績之聳聞肆班行之  
增重屬當大慶肇舉彝章預加褒錫之榮奚俟陟明

永興縣志

卷之首

宸翰

十二

之考茲特進爾階奉直大夫錫之誥命於戲爲國莫  
大於兵戎攘外者必先乎內官守務盡於職業善始  
者必保其終勉副寵詞嗣膺顯擢欽哉

制曰人臣有勞於國朝廷必寵其家肆惟伉儷之良  
亦被褒封之命典章具在風化攸關兵部職方清吏  
司署郎中事員外郎李永敷妻封安人陳氏詩禮名  
家衣冠良配稟資端懿毓德柔嘉禮義禔躬動必循  
乎闡範絲綸陳寵身已荷乎朝章顧茲五品之階載  
示重褒之典用旌內助式耀中閨茲特加封爲宜人  
尙敦勤儉之風益迓嘉祥之慶



吏部員外郎鄧尙義父母並本身妻勅命四道

嘉靖七年

制曰朕於在位之臣嘉有勞於國必邇流而知所自豈覃寵而忘其先爾祺乃吏部考功清吏司署員外郎事主事鄧尙義之父斂華弗耀葆德自將國典沾壽考之榮鄉飲當大賓之選孝德恆孚於族黨惠仁克拯夫顛危餘慶所延晚鍾良嗣義方是訓早掇賢科雖未躬受乎褒榮而已逮膺乎祿養用賞厚德俾亡者存茲特贈爾爲承德郎吏部考功清吏司署員外郎事主事式克欽承永光窀穸

永興縣志

卷之首

宸翰

十三

制曰母氏之慈實先訓子子賢而孝貴在顯親典固弗間於存亡義則可通於今古爾羅氏乃吏部考功清吏司署員外郎事主事鄧尙義之母克配君子永宜厥家婦道見於箴圖母範存於機杼遂成乃嗣克舉其官宜有卹恩以昭懿範茲特贈爲安人庶其旣安之靈歆此至優之渥

制曰大宰屬司周稱上士郎官列署唐號南曹蓋課功詳最善之書而分職重長貳之選乃吏部考功清吏司署員外郎事主事鄧尙義形神清朗才識通明早得雋於甲科再持刑於郡佐以文飭吏用法懲奸



肆節操之彌堅乃銓衡之屢陟既登最考宜昇恩章  
茲特進爾階承德郎錫之勅命爾尙靖恭自守遠大  
是期數考厥成幽明貴乎允照慎佐其長進繼罔不  
在中茲惟乃体無替厥服欽哉

制曰男女正位家道斯興夫婦偕榮王章攸重况乃  
銓曹之彥聿當宦業之成瞻彼室家宜先光寵吏部  
考功清吏司署員外郎事主事鄧尙義妻尹氏肆有  
幽德來配名門在中無遂事之專於外賴相成之美  
爰因夫貴肇錫褒章茲特贈爲安人綸命是承顯榮  
未艾

永興縣志

卷之首

宸翰

十四

戶部郎中李易父母並本身妻誥命四道  
嘉靖十五年

制曰朕惟錫類之祉介於昭明言仁者之有後也厥  
惟徵哉爾承德郎戶部廣東清吏司主事李永森乃  
戶部山西清吏司郎中李易之父直樸不華勤儉自  
勵孝弟之實盡於家庭義惠之稱孚於鄉黨力耕訓  
子於見厥成爾乃安享遐齡薦膺顯錫謂非福善之  
報乎茲特加封爲奉政大夫戶部山西清吏司郎中  
祇沐國恩益延家慶

制曰人固樂有賢父兄若母教所繫尤重肆國家追



卹之典斯並隆焉爾贈大安人廖氏乃戶部山西清吏司郎中李易之母賦德簡重秉性幽貞敬著閨闈禮周嫺黨卜居教子備歷勤劬子既有成而弗克見可悼也哉壺儀未泯申錫新綸茲特贈爲宜人其慰往靈克昌來允

制曰朝廷經國籌邊爰命部臣往司儲積所以權耗蠹稽奸漁厥任攸重非得公慎廉明之士鮮克稱焉爾乃戶部山西清吏司郎中李易蔚以俊才奮登科第首官民部懋樹賢聲敷歷滋深晉長郎署頃念邊儲重務命爾總理爾能奉公守法秉正持廉會計惟

永興縣志

卷之首

宸翰

十五

精稽覈惟慎軍餉足而士氣伸厥功懋焉矧其名望素孚邊人畏服朕益嘉之茲以大慶覃恩特晉爾階奉政大夫錫之誥命於戲足食足兵致治保邦之要道也爾其克終乃休朕將嗣而顯擢焉欽哉

制曰婦人無遂事言從夫也從夫而貴則名號等威亦當視其夫矣爾戶部山西清吏司郎中李易妻封安人曹氏秀毓名門禮歸儒族恪修婦道孝敬夙彰弼相乃夫顯庸家國惟爾之賢良足徵焉茲特加封爲宜人茂迓寵光益勤內治

南京戶部郎中李旦父母並本身妻誥命五道



嘉靖十八年

制曰朕惟永錫之祉告於昭明佑命之休申於嘉樂言仁者之有後也爾封文林郎直隸徽州府績溪縣知縣李永和乃南京戶部四川清吏司郎中李旦之父賦性雅節秉德純誠養高林泉表帥鄉族敦孝友以閑家嚴義方而訓子是用篤成偉器展采清時中外敷休名實允副爾之貽穀可或泯與茲特贈爲奉政大夫南京戶部四川清吏司郎中於昭寵靈永賁幽宅

制曰母氏劬勞義兼教育不均錫敷何以隆報爾封

永興縣志

卷之首

宸翰

十六

孺人曹氏乃南京戶部四川清吏司郎中李旦之母鍾靈名門媿休高士孝敬勤儉克成夫志慈惠莊嚴載成子美顧爾嗣蜚英郎署馳望南畿爾懿訓不益彰哉爰遡慶源載申褒命茲特加封爲宜人服此休嘉永綿仁壽

制曰司徒掌邦教擾兆民而郎官之長實贊厥務厥任亦惟艱哉爾南京戶部四川清吏司郎中李旦蔚以才識奮起賢科造士而誕敷樂育司牧而懋著能聲朕因採諸薦揚擢官民部乃能奉公體國秉正持廉會計惟精出納惟允厥功懋焉奮膺滋久進長郎



曹顧其奉職惟勤持身益慎修名令問朕嘉重之特  
進爾階奉政大夫錫之誥命夫國以民爲本以財爲  
用爾尙懋懋厥猷俾財裕而民不擾斯副朕節用愛  
人至懷欽哉

制曰夫婦之大倫肆朝廷褒錫之命幽顯弗殊重風  
化也爾南京戶部四川清吏司郎中李旦妻封孺人  
曹氏毓德柔嘉持身謹飭出於華族來嬪德門禮義  
從夫勤儉率下方期顯錫而遽早捐可悼也哉宜有  
褒恩用申追卹茲特贈爲宜人諒茂渥之歆承庶幽  
靈之永慰

永興縣志

卷之首

宸翰

十七

制曰婦專饋祀職不可虛故室必有繼而恩宜逮焉  
禮也爾南京戶部四川清吏司郎中李旦繼妻許氏  
內全巽順外協坤柔雖并白之勞未躬於家食而蘋  
蘩之敬克薦於宗禋茂被國恩式遵闡範茲特封爲  
宜人尙敦敬戒益迓駢蕃

四川按察司僉事李禎父母並本身妻誥命四

道

嘉靖十  
八年

制曰君子茂蓄厚養仕未究施則有哲嗣以揚其休  
厥惟天道徵哉爾原任直隸大平府當塗縣知縣贈  
文林郎南京廣西道監察御史李永蕃乃四川按察



司僉事禎之父拔迹賢科授官圻甸慈祥豈弟清慎  
嚴明吏不忍欺民不敢犯期年之間化洽惠流惜乎  
勤勞盡瘁以卒於官至今民思而祀之斯亦賢矣而  
其深仁厚澤未可遽泯發於嗣人式光政路爾休其  
遠哉茲特贈爲奉政大夫四川按察司僉事幽扁不  
昧綸命永章

制曰賢母因子以彰厥德而貴亦從之劬勞之報庶  
幾慰焉此朝廷推恩之典不可後也爾贈孺人馬氏  
乃四川按察司僉事李禎之母柔惠端淑莊靜慈和  
宦族之英哲人之配式章閭則茂著母儀相夫教子

永興縣志

卷之首

宸翰

十八

列爲名臣雖祿養弗終而徽音未泯爰旌上善煥被  
殊恩茲特加贈爲宜人九原有知尙克歆承

制曰按察司之設所以昭憲度儆官邪以振肅風紀  
保安民庶矧安綿利保民夷雜處尤難制服特勅兵  
備以分理之所以修內而攘外也非剛明廉慎之士  
鮮克濟事爾四川按察司僉事李禎博達恢宏俊明  
純粹積學嗣世光振家聲巍登甲科擢授御史風生  
朝署名振留都法久浸弊多所釐正轉陟藩憲職典  
兵民宏圖遠畧威聲重譯明刑勅法政治遐方寬猛  
相濟緩急有賴迺者憲臣論薦聞譽交騰自非實有



休績何以詢謀僉同朕甚嘉焉茲特晉爾階奉政大夫錫之誥命爾尙祇慎厥修耀德明武懷柔我遠人保我黎民以永終爾譽時乃之休欽哉

制曰夫之道在敬身以帥其婦婦之道在敬身以承其夫內外相承風化出焉此先王所以治天下也爾按察司僉事李禛妻封孺人張氏恭順幽閒柔淑端靜以慈愛宜其家人以義概勗其君子恭勤之節儉約之風雖貴而不易士女也茲特加封爲宜人尙克祇承式光閨闈

戶部郎中曾紹芳父母並本身妻誥命五道 缺



雲南景東衛經歷司許銳父母並本身妻勅命

四道

嘉靖十一年

制曰朕以羣臣之盡職者必推恩於其親所以嘉勞而勸孝也爾許均爵乃雲南景東衛經歷司經歷許銳之父善積乃躬訓成乃嗣可無恤典以勵顯揚茲特贈爲徵仕郎雲南景東衛經歷司經歷靈爽不昧尙克承之

制曰母之賢於子徵之國有令典亦奚間於存歿哉爾宋氏乃雲南景東衛經歷司經歷許銳之母生全淑行茂著母儀有子能官足徵慈訓茲特贈爲孺人

永興縣志

卷之首

宸翰

二十

庶其寵光永賁幽壤

制曰國家設兵衛以理軍政旣以武臣爲之長貳至其幕職亦必得人乃克有濟爾雲南景東衛經歷司經歷許銳任職於斯克勤克慎歷年旣久最考是書茲特進爾階徵仕郎錫之勅命爾其益進乃心毋怠厥事欽哉

制曰夫婦爲人倫之首故朝廷恩推臣下必及其配焉爾雲南景東衛經歷司經歷許銳妻李氏克相其夫允宜偕貴茲特封爲孺人尙克祇承式光闔闈

